

仙佛部

佛 僧尼附 佛寺

民業部

農家 蠶家 貨殖家商賈附 梓匠者巧墁者 漁者

釣者 獵者

技藝部

醫者藥卜筮者 巫者 說相 談命

事文前集

加<sup>3</sup>  
160  
8





利  
268  
8

東京大學  
圖書館

新編古今事文類聚前集卷之三十五

仙佛部

佛

羣書要語浮屠佛也佛者漢言覺也將以覺悟群生也袁宏漢  
註紫金之像白毫之光六帖青蓮妙相同上青蓮承跌金獸捧  
持藻井花鬘葱籠四壁劉禹錫記慈雲法雨六帖

古今事實

西方大聖人

建安 祝穆 和艾 編  
金陵 唐富春 子和 刊

太宰詔問孔子曰夫子聖人歟對曰丘博識強記非聖人也又問三王聖人歟對曰三王善用智勇聖非丘所知又問五帝聖人歟對曰五帝善用仁信聖非丘所知又問三皇聖人歟對曰三皇善用時聖非丘所知太宰大駭曰然則孰為聖人乎夫子動容有間曰立聞西方有大聖人者焉不治而不亂不言而自信不化而自行蕩蕩乎人無能名焉

釋迦佛生

周昭王二十四年釋迦佛生刹利王家放太智光明照十方世界涌金蓮花自然捧雙足分手指天地作獅子吼聲年十九欲出家號天人師住世四十九年將金縷僧迦黎衣傳衣與摩訶迦葉自二祖迦葉傳至三十二祖弘忍景德傳灯錄

漢明帝迎佛

後漢孝明帝永平二年偶夢金人魏魏丈六飛至殿庭光明炳耀問群臣通事舍人傅毅對曰臣聞西域有得道者其名曰佛陛下所見得無是乎帝遣博士王遵等十八人同往西域求迎佛法至月支國遇迦葉摩騰竺法蘭二林僧帶白氎畫釋迦像四十二章經白馬馱之邀至洛陽此中土有三寶之始也大藏一覽

佛法入中國

漢驃騎將軍去病出隴西過焉耆山得休屠王祭天金人顏師古曰今佛像是其遺法也初帝聞西域有神其名曰佛因遣蔡愔等之天竺求其道得其書及沙門以來其書大抵以虛無為

宗貴慈悲不殺以爲人死不滅復受形生時所行善惡皆有報應故所貴修鍊精神以至爲佛善爲宏闊勝大之言以勸誘愚俗精於其道號曰沙門於是中國始傳其術圖其形像而王公貴人獨楚王英最先好之通鑑

阿難說法

第二祖阿難將入滅雪山五百仙人飛空而至阿難爲說法

達磨携履

二十八祖達磨自天竺國泛海見梁帝不契潛上嵩山少林寺面壁九年端居而逝葬熊耳山魏宋雲奉使西域迴遇師于葱嶺見手携隻履翩翩而逝雲問師曰西天去又謂雲曰汝王已厭世雲聞之茫然別師東邁暨復命即明帝已登遐矣迨孝莊

卽位雲具奏其事帝令起壙惟空棺一隻鞞履存焉傳燈錄

弘忍鏡臺

三十二祖弘忍大師有僧神秀於廊壁書偈曰身是菩提樹心如明鏡臺時時勤拂拭莫遣有塵埃有居士盧慧能密於秀偈側寫云菩提本非樹明鏡亦非臺本來無一物何假拂塵埃太師乃傳法於能

梁武帝溺佛

梁武帝晚溺信佛道凡三捨身日止一食膳無鮮腴惟豆羹糲飯而已身衣布衣侯景之亂以所求不供憂憤寢疾崩于淨居殿本紀

魏作金像

每文頁及前頁

卷之三十一

七

魏作永寧寺有金像高丈八尺者一如中人者十玉像二為九  
層浮屠掘地築基下及黃泉浮屠高九十丈上刹復高十丈每  
夜靜鈴鐸聲聞十里梁組

募錢造像

唐武后欲造大像使天下僧尼日出二錢以助其功通鑑

諫迎佛骨

韓愈遷刑部侍郎憲宗遣使者往鳳翔迎佛骨上迎入禁中二  
日乃送佛祠王公大人奔走諷咀至夷法灼體膚委珍貝騰踏  
於路愈聞惡之乃上表諫

晚事浮屠

白居易暮節惑浮屠尤甚至經月不食葷及致仕與香山僧如

滿結香火社每肩輿往來白衣鳩杖自稱香山居士本傳

續釋佛教

宣宗嘗曰裴休真儒者然嗜浮屠法居常不御酒肉講求其說  
續釋數萬言當世嘲薄之而所好不衰

斧碎佛牙

五代趙鳳傳有僧遊西域得佛牙以獻明宗以示大臣鳳言世  
傳佛水火不能復請驗其真偽因以斧斫之應手而碎方是時  
官中施物已及數千因鳳碎之乃止

毀佛像

五代周世宗即位之明年中國乏錢乃悉詔毀天下銅佛像以  
鑄錢嘗曰吾聞佛說身世為妄以利人為急使其真身尚在猶

欲割截况此銅像豈其所惜哉由是群臣皆不敢言

後王信佛

李後主酷信浮屠朝退與后頂僧伽帽衣袈裟誦佛書拜跪頓  
顙至為瘤贅親為桑門削作則簡子試之腮頰少有滯滯者再  
為治之其手不我學佛握印而行僧犯奸有司具牘還俗後主  
令禮佛三百拜免刑王師赴池州令僧俗兵士念救苦觀世音  
菩薩江南野錄

古今文集

雜著

論佛骨表

韓愈

臣某言伏以佛者夷狄之一法耳自後漢時流入中國上古未

嘗有也昔者黃帝在位百年年一百十歲少昊在位八十年年  
一百歲顓頊在位七十九年年九十八歲帝嚳在位七十年年  
一百五歲帝堯在位九十八年年一百一十八歲帝舜及禹年  
皆百歲此時天下太平百姓安樂壽考然而此時中國未有佛  
也其後殷湯亦年百歲湯孫太戊在位七十五年武丁在位五  
十九年書史不言其年壽所祿蓋亦俱年不減百歲周文王年  
九十七歲武王年九十三歲穆王在位百年此時佛法亦未至  
中國非因事佛而致然也漢明帝時始有佛法明帝在位纔十  
八年耳其後亂亡相繼運祚不長宋齊梁陳元魏已下事佛漸  
謹年代尤促惟梁武帝在位四十九年前後三度捨身施佛宗  
廟之祭不用牲牢盡日一食止於菜果其後竟為侯景所逼餓

死臺城國亦尋滅事佛求福及更得禍由此觀之佛不足信事  
亦可知矣高祖始受隋禪則議除之當時群臣材識不遠不能  
深知先王之道古今之宜推闡明聖以救斯弊其事遂止臣嘗  
恨焉伏惟睿聖文武皇帝陛下神聖英武數千百年已來未有  
倫比即位之初不許度人為僧尼道士又不許創立寺觀臣嘗  
以為高祖之志必行於陛下之手今縱未能即行豈可恣之轉  
令盛也今聞陛下令群僧迎佛骨於鳳翔御樓以觀昇入太內  
又令諸寺迓迎供養臣雖至愚必知陛下不惑於佛作此崇奉  
以祈福祥也直以年豐人樂狗人之心為京都士庶詭異之觀  
戲玩之具耳安有聖明若此而肯信此等事哉然百姓愚冥易  
惑難曉苟見陛下如此將謂真心事佛皆云天子大聖猶一心

敬信百姓何人豈合更惜身命焚頂燒指百十為群解衣散錢  
自朝至暮轉相倣效惟恐後時老少奔波棄其業次若不即加  
禁遏更歷諸寺必有斷臂鬻身以為供養者傷風敗俗傳笑四  
方非細事也夫佛本夷狄之人與中國言語不通衣服殊製口  
不言先王之法言身不服先主之法服不知君臣之義父子之  
情假如其身至今尚在奉其國命來朝京師陛下容而接之不  
過宣政一見禮賓一設賜衣一襲衛而出境不令惑眾也况其  
身死已久枯朽之骨凶穢之餘豈宜入宮禁孔子曰敬鬼神  
而遠之古之諸侯行弔於其國尚令巫祝先以桃刻祓除不祥  
然後進弔今無故取朽穢之物親臨觀之巫祝不先桃刻不用  
群臣不言其非御史不舉其失臣實耻之乞以此骨付有司投



諸水火求絕根本斷天下之疑絕後代之惑使天下之人知大  
聖人之所作爲出於尋常萬萬也豈不感哉豈不快哉佛如有  
靈能作禍福凡有殃咎宜加臣身上天鑒臨臣不怨悔無任感  
激懇悃之至謹奉表以聞臣某誠惶誠恐

大悲閣記

蘇子瞻

大悲者觀世音之變也觀世音由聞而覺始於聞而能無所聞  
始於無所聞而能無所不聞能無所聞雖無身可也能無所不  
能雖千萬億身可也而况於手與口乎雖然非無身無以舉千  
萬億身之衆非千萬億身無以示無身之至故散而爲千萬億  
身聚而爲八萬四千母陀羅臂八萬四千清淨寶目其道一爾  
昔吾嘗觀於此吾頭髮不可勝數而身毛孔亦不可勝數牽一

髮而頭爲之動拔一毛而身爲之變然則髮皆吾頭而毛皆吾  
身也彼皆吾頭而不能爲吾頭之用彼皆吾身而不能具身之  
智則物有以亂之矣吾將使世人左手運斤而右手執削目數  
飛鴻而耳節鳴鼓首肯傍人而足識梯級雖有智者有所不暇  
矣而况于手異執而于目各視乎及吾燕坐寂然心念凝默湛  
然如大明鏡人鬼鳥獸雜陳乎吾前色聲香味交蓮乎吾體心  
雖不起而物無不接必有道耶于手之出于目之運雖未可得  
見而理則具矣彼佛菩薩亦然雖一身不成二佛而一佛能遍  
河沙諸國非有宅也觸而不亂至而能應理有必至而何獨疑  
於大悲乎成都西南大都會也佛事最勝而大悲之像未覩其  
傑有法師敏行者能讀內外教傳通其義欲以如幻三昧爲一

方首乃以大栴檀作菩薩像。端嚴妙麗，具慈愍性，錯出開合，捧執指彈，摩拊千態，具備各各，有目無妄舉者。復作大閣，以覆菩薩。雄偉壯峙，工與像稱。都人作禮，因敬生悟。余游於四方二十餘年矣，雖未得歸，而想見其處，敏行使其徒法震之，文爲道其所以然者，且頌之曰：

吾觀世間人，兩目兩手臂，物至不能應，狂惑失所措。其有欲應者，顛倒作思慮，思慮非真實，無異無手目。菩薩千手目，與三手目同，物至心亦至，曾不作思慮，隨其所當應，無不得其當。引弓挾白羽，劍盾諸械器，經卷及香華，盂水青楊枝，珊瑚大寶炬，白拂朱藤杖，所遇無不執，所執無有疑。緣何得無疑，以我無心故。若猶有心者，千手當千心，一人而千心，內自相攫攘，何暇能應。

物千手無二心，手手得其處，稽首大悲尊，願度一切衆，皆證無心法，皆具千手目。

真相院釋迦舍利塔銘并叙

蘇子瞻

洞庭之南有阿育王塔，分葬釋迦如來舍利，嘗有作天施會出而浴之者，雜素傅捧涕泣作禮，有比丘竊取其二色如舍利，大如薏苡，將實之他方，爲衆生福，由父而不能以授白衣方子明。元豐三年，軾之弟轍謫官高安，子明以昇之七年，軾自齊安恩徙臨汝，過而見之。八年，移守文登，召爲尚書禮部郎，過濟南，長清真相院僧法泰方爲塼塔十有三成，峻峙蟠固，人夫鬼神所共瞻仰，而未有以葬軾，默念曰：予弟所寶，釋迦舍利，意將止於此耶。昔予先君文安主簿，贈中大夫諱洵，先夫人武昌大君程

氏皆性仁行廉崇信三寶捐館之日追述遺意捨所愛作佛事  
雖力有所止而志則無盡自頃憂患感而不舉將二十年矣復  
廣前事度幾在此泰聞踴躍明年來請於京師探篋中得金一  
兩銀六兩使歸求之衆人以具棺槨銘曰如來法身無有邊化  
爲丈六示大夫德哉有形斯有年紫金光聚飛爲煙惟有堅固  
百億千輪王阿育願升堅役使空界鬼與仙分置衆刹莫山川  
棺槨十襲閱精園神光晝夜發層巔誰其取此智且權佛身普  
現衆目前昏者坐受遠近遷冥行黑月隨坎泉分身來化會有  
緣流轉至此誰使然并包齊魯窮海壖獷悍柔淑冥愚賢願持  
此福逮我先生生世世離垢纏

天堂地獄偈

釋迦生中國設教如周孔周孔生西方設教如釋迦天堂無則  
已有則君子登地獄無則已有則小人入國史補

古詩

記所見開元寺吳道子畫佛滅度以答子由

蘇子瞻

西方真人誰所見衣被七寶從雙後當時修道頗辛苦柏生兩  
肘烏巢有初如濛濛隱山玉漸如濯濯出水蓮道成一旦就空  
滅奔會四海悲入天翔禽哀響動林谷獸鬼踴躍淚迸泉靡有  
深目彼誰子達林彈指性自圓隱如寒月墮清晝空有孤光留  
故躔春遊古寺拂塵壁遺像久此羶香煙畫師不復寫名姓皆  
云道子口所傳從橫固已蔑孫鄧有如巨鱗吞小鮮來詩所誇

孰與此安得獲掛其傍觀

感興

朱元晦

西方論綠業卑卑喻群愚流傳世代久梯接凌空虛顧躬指心  
姓名言超有無捷徑一以開靡然世爭趨號空不踐實躡彼榛  
棘途誰哉繼三聖為我焚其書

僧

尼附

羣書要語桑門六帖開士同上男曰優婆塞又曰僧又曰德士  
大藏一覽僧曰苾芻本是草名有五義一生不背二冬夏常  
三性體柔軟四香氣遠騰五引蔓布條尊勝經行阿耨菩提心  
是名上人摩訶般若經沙門有二坐禪為上輩誦經為中輩助

眾為下輩

無為經

沙門漢言息也蓋息欲而歸於無為也

表安

漢記禪有五有凡夫禪有外道禪有小乘禪有大乘禪有最上  
乘禪傳灯錄雖復飲食而以禪悅為味維摩經人其人火其書

廬其居明先王之道以教之庶乎其可也韓文

詩句與子成二老來往亦風流

杜寄贊上人

尼女曰優婆夷又曰尼

大藏一覽

古今事實

達磨傳衣

初達磨與佛衣俱來得道傳付以為真印至大鑒置而不傳

沙門稱釋

晉道安授業於佛圖澄姓帛氏以師莫過於佛遂以釋為姓中

夏沙門稱釋自道安始道安見習鑿齒自稱彌天釋道安

入遠公社

晉惠遠見廬峯清靜足以息心始住龍泉精舍刺史桓伊乃為  
遠於山東立房殿即東林也絕塵清勝之賓並不期而至彭城  
劉遺民豫章雷次宗廬門周續之新蔡畢穎之南陽宗炳等凡  
百有二十三人並棄世遺榮依遠遊止高僧傳

不過虎溪

遠法師居廬阜三十餘年影不出山跡不入俗送客過虎溪輒  
鳴號昔陶元亮居栗里山南陸脩靜亦有道之士遠師嘗送此  
二人與語道合不覺過之因相與大笑今世傳三笑圖廬山記

招入白蓮社

遠師結白蓮社以書招淵明陶曰弟子性嗜酒若許飲即往矣  
遂許之遂造焉因勉令入社陶攢眉而去廬阜雜記

不入白蓮社

謝靈運求入淨社遠師以心雜止之范甯在豫章遠師請入社  
范不能從遠師傳

女子寄宿

高僧鬼戒行嚴察嘗有二女子寄宿自稱天女以上人有德天  
遣我來勸勉其意鬼執意真確一心無擾曰吾心若死灰無以  
黃囊見試女乃凌雲而逝顧曰海水可生須彌可傾彼上人者  
秉心堅貞

逼受妓女

鳩摩羅什姚主以妓女偏令受之乃自講說譬如臭泥中生蓮花但取蓮花勿取臭泥

飛錫擲空

鄧隱峯擲錫空中飛錫飛身而過應真飛錫以躡虛天台賦

能通玄術

佛圖澄天竺人妙通玄術善誦神呪能使鬼神腹旁有二孔夜光照室石勒聞其名召試其術澄取鉢盛水燒香呪之源史鉢中生青蓮花勒愛子斌暴病死澄取楊枝沾水灑而呪之遂甦

黑衣宰相

宋文帝以慧琳善談論與議朝廷大事遂參權要賓客輻湊孔

覲曰遂有黑衣宰相可謂冠履失所矣通鑑

赤髭白足

佛陀耶舍為人赤髭善解毗婆沙時人號曰赤髭毗耶沙澤曇如足白於面雖跣涉泥水未嘗沾濕天下咸稱白足和尚

文殊問疾

維摩詰病佛遣文殊問疾

躡迹求法

道明禪師聞五祖密付衣法與盧行者即躡迹追逐至大庾嶺曰我來求法願行者開示於我祖曰不思善不思惡正恁麼時那個是明上座本來面目師當下大悟

佛有五戒

元珪禪師有異人戴冠而至曰我嶽神也稽首乞戒師曰付汝五戒能不淫乎能不盜乎能不殺乎能不妄乎能不遭酒敗乎曰能師曰如是為佛戒

看水牯牛

大安禪師曰安在瀉山三十年只看一頭水牯牛若落路入草便牽出若犯入苗稼即鞭撻調伏既久如今變作箇露地白牛常在面前終日露迥迥地起亦不去也

石頭路滑

石頭希遷大師也馬祖問師從什麼處來師云石頭馬祖云石頭路滑還躓倒汝麼師曰若躓倒即不來

磨磚成鏡

南嶽懷讓禪師有沙門道一常日坐禪師曰大德坐禪圖什麼曰圖作佛師取一磚於石上磨曰作什麼師曰磨作鏡一曰磨磚豈得成鏡師曰坐禪豈得成佛耶

罵佛罵祖

德山宣鑒禪師瀉山問眾還識遮阿師也無眾曰不識瀉曰是伊將來有把茅蓋頭罵佛罵祖去

一餅一鉢

守清禪師有僧問末後一句師曰塵中人自老天際月常明問如何是和尚家風曰一餅一鉢到處是生涯問佛法大意曰擾擾忽忽晨雞暮鐘

菘菜石室

無業國師曰看他古德道人得意之後如茨石室向折脚鑿子煮飯喫過三二十年

一塢白雲

廣嚴院咸澤禪師僧問如何是廣嚴家風曰一塢白雲三間茅屋

白公問禪

杭州道林禪師初至秦望山見長松枝葉蟠屈如蓋遂棲止其上復有鵲巢其側人目為鵲巢和尚太守白居易入山曰師住處甚危險師曰太守危險尤甚曰弟子位鎮山河何險之有曰心火相交識性不停得非險乎又問佛法大意師曰諸惡莫作眾善奉行白曰三歲孩兒也解甚麼道師曰三歲孩兒雖道得

八十老人行不得

李公問禪

樂山惟儼禪師郎州刺史李翱問如何是道師曰雲在天水在瓶翔作偈曰鍊得身形似鶴形株松下兩函經我來問道無餘話雲在青天水在瓶又問如何是戒定慧師曰太守欲保在此事直須向高高山頂坐深深海底行闍闍中物捨不得便為滲漏

蜂鑽紙窠

神鎖禪師見蜂于投紙窠中求出師曰世界如許廣闊不肯出鑽他故紙

百丈竿頭進步



招賢大師偈曰百丈竿頭不動人雖然得入未為真百丈竿頭須進步十方世界是全身

一口吸盡西江水

襄州居士龐蘊初謁石頭和尚復與丹霞禪師為友石頭問日用事作麼生對曰日用事無別惟吾自偶諧頭頭非取舍處處勿張乖朱紫誰為號立山絕點埃神通并妙用運水及搬柴後參馬祖云不與萬法為侶者是什麼人祖云待汝一口吸盡西江水即向汝道居士頓悟有男不婚有女不嫁大家團圓頭共說無生話女名靈照製竹漉離糞之以供朝夕

寒山子

天台寒山子以樺皮為冠冥太木屐時來國清寺就拾得取眾

僧殘食菜滓食之豐干禪師曰汝與我遊五臺即我同流若不丟非我同流曰我不丟豐干曰汝不是我同流寒山却問去五臺作什麼曰我去禮文殊寒山曰汝不是我同流

拾得子

天台拾得者豐干禪師山中行至赤城見一子携至寺中名為拾得一日掃地寺主問汝畢竟姓箇什麼在何處住拾得放下掃帚叉手而立寺主因測寒山指背曰蒼天拾得問汝作什麼曰豈不見道東家人死西家助哀二人作舞笑笑而去

布袋和尚

布袋和尚形材服膝蹙頰顴腹以杖荷一布囊供身之具盡貯囊中入市見物輒乞或醯醢魚菹纒接入口分少許投囊中白

鹿和尚問如何是布袋師便放下布袋又問如何是布袋下事師負之而去並傳燈錄

萬迴師

萬迴師姓張氏初母祈於觀音像而姓迴迴生而愚八九歲乃能語雖父母亦以豚犬畜之其兄戍役於安西音問隔絕父母遣其問訊一日朝齋所備而往夕返其家父母異之弘農抵安西萬餘里以其萬里而迴因號萬迴唐武后嘗賜之錦袍玉帶施千僧供

杜鴻漸自蜀還食千僧以為有報縉紳効之病甚令僧剔髮遺命依浮圖葬不為封樹類說

判僧飲酒

陸長源郎中判僧常滿智真等於烟家飲烹宰等事云口說如來之教在處貪財身著無價之衣終朝食肉苦行未同迦葉自謂頭陀神通何有淨名入諸淫舍犯爾嚴戒贖我明刑仍集遠近僧徒痛杖三十處死雲溪友議

判僧賭錢

浙西韓滉相公斷僧靈晏等賭錢喧爭云正法何曾親自空門不積餘財白白既能賭博通宵必醉尊壘強說天堂難到又言地獄長開並付江神取管波中便是泉臺同上

浮屠選俗

賈島字浪仙初為浮屠愈因教其為文遂去浮屠舉進士浮屠奉親

張策少落髮為僧黃巢犯長安乃返初服奉父母以避亂

東坡問禪

佛印禪師法名了元饒州人東坡與之遊時住潤州金山寺公赴杭過潤為留數日一日值師掛牌與弟子入室公便服入方丈見之師云內翰何來此間無坐處公戲借和尚四大用作禪床師曰山僧有二轉語內翰言下即答當從所請願留所繫玉帶以鎮山門公許之便解玉帶置几上師云山僧四大本空五蘊非有內翰欲於何處坐公擬議未即答師急呼侍者云收此玉帶未鎮山門公笑而與之師遂取衲裙相報

為尼之始 以下係尼

漢明帝既聽劉峻出家又聽洛陽婦女阿潘等出家此中國為

尼之始也 事物紀原

武氏為尼

太宗崩武氏隨眾感業寺為尼 高宗紀

愛姬為尼

郭代公愛姬薛氏幼嘗為尼樂天嘗贈以詩

為尼立碑

大明和尚卒弟子尼無染命僧靈嶼為行狀凡葬太浮圖未嘗有比丘尼立碑事今無染實涕淚以求 柳文

惑於妖尼

于尼者嘗適人生子後為一鬼所憑言事或有驗遂為尼名惠普士庶遠近輻湊以佛事之王樂道命李氏甥為其母首傳書

妖教收<sub>ラ</sub>下獄詔京東差官按<sub>ス</sub>之得<sub>レ</sub>諸公書自韓曾以下皆有之  
文公獨無上問其故公曰臣但不知知之當亦有書溫公日錄

捨宅爲寺尼寺附

東晉何允始捨宅安尼此尼寺之始也事物紀元

爲妾造寺

王縉爲相爲妾起感應寺宏麗無比當時頗爲識者所笑南部新書

題尼寺壁

楊疑式滑稽精舍老尼即王令公家乳母公至苦不爲禮乃書  
壁云暇日遊老比位院延待甚厚尼甚感之後悟老比之言立  
圻饒之紀異錄

古今文集

雜著

曹溪第六祖賜謚大鑒禪師碑 柳宗元

扶風公廉問嶺南二年以佛氏第六祖未有稱號疏闡于上詔  
謚大鑒禪師塔曰靈照之塔元和十年十月十三日下尚書祠  
部符到都府公命部吏洎州司功掾告于其祠幢蓋鍾鼓增山  
盈谷萬人咸會若聞鬼神其時學者于有餘人莫不欣踴奮厲  
如師復生則又感悼涕慕如師始亡因言曰自有生物則好聞  
奪相賊殺喪其本質諱華滯流莫克返于初孔子無大位沒以  
餘言持世更楊墨苗老益雜其術分裂而吾浮圖說後出推離  
遠合所謂生而靜者梁氏好作有爲師達摩譏之空術益顯六

傳至大鑒大鑒始以能勞苦服役一聽其言言希以究師用感  
動遂受信具遁隱南海上人無聞知又十六年度其所行乃居  
曹溪爲入師會學去來嘗數千人其道以無爲爲有以空洞爲  
實以廣大不蕩爲歸其教入始以性善終以性善不假耘鋤本  
其靜矣中宗聞名使幸臣再徵不能致取其言以爲心術其說  
具在今布天下凡言禪者皆本曹溪大鑒去世百有六年凡治  
廣部而以名聞者以千數莫能揭其號乃今始告天子得太謚  
豐佐吾道其可無辭公始立朝以儒重刺賊都護安南由海中  
大蠻夷連身毒之西浮舶聽命咸被公德受旂纛節戟來蒞南  
海屬國如林不殺不怒人畏無罍允克光于有仁昭列大鑒莫  
如公宜其徒之老乃易石于宇下使來謁辭其辭曰

達磨乾乾傳佛語心太承其授大鑒是臨勞勤專默終揖于深  
抱其信器行海之陰其道爰施在溪之曹尤合猥附不夷其高  
傳告咸陳惟道之褒生而性善在物而具荒流奔軼乃萬其趣  
匪思愈亂匪覺滋誤由師內鑒咸獲于素不植乎根不耘乎苗  
中一外融有粹孔昭在帝中宗騁言于朝陰翊王度俾入道遙  
越百有六祀號謚不紀由扶風公告今天子尚書既復大行乃  
誅光于南土其法再起厥徒萬億同悖齊喜惟師教所被洎扶  
風公所履咸戴天子天子休命嘉公德美溢于海夷浮圖是視  
師以仁傳公以仁理謁辭圖堅求胤不已

送淨暑文暢師序

韓愈

人固有儒名而墨行者問其名則是校其行則非可以與之游

乎。如有墨名而儒行者。問其名。則非。校其行。則是。可以與之游乎。揚子雲稱在門墻。則揮之在夷狄。則進之。吾取以為法焉。文暢喜為文章。其周遊天下。凡有行。必請於縉紳先生。以求詠歌。其所志。貞元十九年春。將行。東南。柳君宗元為之序。解其裝。得所叙詩。累百餘篇。非至篤好。其何能致多如是耶。惜其無以聖人之道告之者。而徒舉浮屠之說。贈焉。夫文暢。浮屠也。如欲聞浮屠之說。當自就其師。而問之。何故。謂吾徒而來。請也。彼見吾君臣父子之懿。文物禮樂之盛。其心必有慕焉。拘其法。而未能入。故樂聞其說。而請之。如吾徒者。宜當告之。以二帝三王之道。日月星辰之所以行。天地之所以著。鬼神之所以幽。人物之所以蕃。江河之所以流。而語之。不當又為浮屠之說。而瀆告之也。

民之初生。固若禽獸。夷狄然。聖人者立。然後知官居而粒食。親而尊尊。生者養。而死者藏。是故道莫大乎仁義。教莫正乎禮樂。刑政施之於天下。萬物得其宜。措之於其躬。體安而氣平。堯以是傳之舜。舜以是傳之禹。禹以是傳之湯。湯以是傳之文武。文武以是傳之周公。孔子書之於冊。中國之人。世守之。今浮屠者。孰為而孰傳之耶。夫鳥俛而啄。仰而四顧。夫獸深居而簡出。懼物之為己害也。猶且不脫焉。弱之肉。強之食。今吾與文暢安居而暇食。優游以生死。與禽獸異者。寧可不知其所自耶。夫不知者。非其人之罪也。知而不為之者。惑也。悅乎故。不能即乎新者。弱也。知而不以告之者。不仁也。告而不以實者。不信也。余既重柳請。又嘉浮屠能喜文辭。於是乎言。

送簡師序

皇甫湜

鳳羽而麟毛鳥與獸也經傳以比聖人豈非以其心不以其形者耶師雖佛氏而儒其行雖夷狄其衣服而仁義其心雖朱齒於士與鳳麟類矣不猶愈於冠服朝服或漏於淫恠之說以毀彝倫者耶嗚呼師吾獨賢也刑部侍郎昌黎韓愈既貶於潮州屠之徒驩快以抃師獨憤起訪予求叙行以資適潮不顧蛇山鰐水萬里之險毒若將朝得進拜而夕死可矣嗚呼悲吾絳不得侶師以馳

送文暢上人序

柳宗元

昔之桑門上首好與賢士大夫游晉宋以來有道林道安達法師休上人其所與游則謝安石王逸少習鑿齒謝靈運鮑昭之

徒皆時之選由是真乘法印與儒典並用而人知嚮方今有釋文暢者道源生知善根宿植深嗜法語忘其露之味服道江表蓋三十年謂王城雄都宜有大士遂躡虛而西驅錫踰紀而秦人蒙利者益衆震代之間有靈山焉與茲乾鷲嶺角立相望而往解脫者去來回復如在步武則勤求祕寶作禮大聖非此地莫可故又捨筏西土振塵朔陸將欲與文殊之會脫去穢累超詣覺路吾徒不得而留也天官顧公夏官韓公廷尉鄭公吏部郎中楊公有安石之德逸少之高習鑿齒之才皆厚於上人而襲其道風佇立瞻望懼往而不返也吾輩常希靈運明遠之文雅故詩而序之又從而諭之曰今燕魏趙代之間天子分命重臣典司方岳辟用文儒之士以緣飾政令服勤聖人之教尊禮

浮圖之事者。比比有焉。上人之往也。將統合儒釋。宣滌凝滯。然後茂衣械之贈。委財施之會。不顧矣。其來也。蓋亦徵其歌詩。以焜耀迴躅。禱長德。蓮之述作。豈擅重千祀哉。庶欲竊觀風之職。而知鄭重耳。

論禪學之始

後漢明帝時。佛始入中國。當時楚王英最好之。然都不曉其說。直至晉宋間。其教漸盛。然其廣大自勝之說。幻妄寂滅之論。自齋戒變為義學。如達法師支道林。皆義學。當時文字亦只是將莊老之說來鋪張。如達法師諸論。皆成片畫。是老莊意思。梁會通間。達磨入來。武帝不曉其說。只從事於因果。遂去面壁九年。只說人心至善。即此便是。不用辛苦修行。達磨一切掃蕩。不立

文字直指人心。又翻許多窠臼。說出禪來。又高妙於義學。以為可以直指徑悟。而其始者。禍福報應之說。又足以鉗制愚俗。以為資足衣食之計也。朱語錄

古詩

太白胡僧歌 并序

李白

太白中峯絕頂。有胡僧不知幾百歲。眉已長數寸。身不製繒帛。衣以草葉。常持楞伽經。路僻迴絕。人跡罕到。嘗東峯有鬪虎。弱者將死。而僧以杖解之。西湫有毒龍。久而為患。而僧於罌貯之。商山趙叟前年採茯苓。深入太白。偶值此僧宿。余嘗有獨往之意。聞而悅之。乃為歌曰。聞有胡僧在太白。蘭若去天三百尺。一持楞伽入中峯。世人難見但聞鍾。窅邊錫杖解。兩虎床下鉢。盂



盛一龍草衣不針亦不線兩耳垂眉覆面此僧年紀那得知  
手種青松今十圍心將流水日清淨身與浮雲無是非南山老  
人已曾識願一見之何由得山中有僧人不知城裏看山空黛  
色

律詩

贈楚雲上人

温庭筠

松根滿苔石盡日閉禪關有伴年年月無家處處山煙波五湖  
遠瓶履一身閑岳寺蕙蘭晚幾時幽鳥還

贈僧

杜荀鶴

利門名路兩何憑百歲風前短焰燈只恐為僧心不了為僧心  
了捲輸僧

贈老僧

薛能

清瘦形容八十餘虬懸籬落似村居勸師莫羨人間有幸是元  
無免破除

詩話

韓詩戲僧

韓退之不喜僧每為僧作詩多侮之如送靈師詩云圍碁鬪白  
黑生死隨機權六博在一擲梟盧叱迴旋爭戰誰與敵活計橫  
戈鏃飲酒盡百盃嘲謔思逾鮮有時醉花月高唱清且綿言僧  
之事乃云圍碁飲酒六博醉花唱曲良為不雅可謂出醜矣  
雜著係尼

慈愍院記

呂伯可

嘉熙三年某月某日。欽尼祖證狀于郡曰。祖證俗家靈山之前  
里中舊祠僧伽大士。有永阜疾疫必禱禱必應。今頽毀又矣。過  
者太息。祖證不揆不謀。干衆不取。于人自輸家財。因其遺址。以  
崇成梵宇。凡費錢五百萬。三年而後成。與徒衆晨香夕燈。上祝  
聖人壽。下俾鄉人復有所皈依。顧昔焉榛莽。今焉道場。於吾佛  
法固善。而名額不得上賜。如國王法。何創而求之。實難。惟因其  
廢於彼。而取以名於此。則亦條例之所許也。城南太平興國寺  
中有廢院曰慈竺。祖證願徙以榜之。惟慈悲幸聽。郡嘉其意。爲  
上之部。部上之省。至四年某月。符下黑白衆。瞻仰歡喜。嘆未曾  
有。予友人汪翔甫述其顛末。來以記。請證翔甫之諸姑也。自乾  
竺法入中國。其徒備著天堂地獄鬼神。爲張因果罪福之說。以

爲人死爲鬼。鬼復爲人。隨善惡報。還復無窮。若善男子善女人  
悉當如是觀。故其誘人甚速。入人甚深。無智愚皆知之。婦人女  
子亦信嚮焉。然流弊有二。彼其朝辭房闈。暮宿禪寂。割父母深  
愛。絕男女太欲。離棄骨肉。瓦食壞衣。以自屏於山顛水涯。足跡  
罕到之境。而人道滅矣。復有曲眉豐頰。命薄志違。不得已發勇  
猛心。爲式又摩那。卒之胥訓。胥劬。龍蛇污雜。而禮法闕矣。證則  
不然。切卽茹蔬。誦經蕭然。有物外意。嘗往師能仁寺。尼如通旋  
返其家。靜居一室。日以焚誦爲事。或問之曰。出家兒當如是耶。  
證曰。此吾教七衆中。所謂優婆塞。夷道師林。所謂在家菩薩。而金  
色女所謂名出家者。不必在阿蘭若處也。已而戶外之屨常滿。  
僧俗混處。非便始別營室廬以居之。而必於其黨密邇之地。庶

恩相愛文相接無異於在家時也。證雖以度人為事，然不輕受。往往擇其家世之良氣質之美，與其有以自給無求於外者，乃與之進。懼不爾，則外誘內移，將不能以守吾教矣。此豈滅入道闕禮法者所可同日語哉？向使其不具室羅未尼之相而從事於君臣父子兄弟夫婦之常，則柔則懿，婦德毋儀，當必有可觀者。士大夫平日於親故交際，繆相愛敬，一旦利害相及，名位相軋，反眼若不相識，而彎弓下石者有之。苟可以求富貴利達，不皆公死黨，則左右詭隨，雖行不顧，言壞名敗，義不恤也。聞證之風，寧不少愧。昔韓吏部於謝自然，深致其告戒感傷之意。至詠華山女，頗獨假借，得非以霧閣雲窓，追攀不可，其持守甚嚴，有以自拔於流俗者歟？彼有證之一，猶見取於吏部，吏部而遇證。

當如何其稱予也。予故因翔甫之請，極陳其事，以警世之為尼者，且以警吾黨之士，而亦以自警。云。

### 佛寺

羣書要語招提菩薩皆古佛號，故寺謂之招提，或名伽藍，或名道場，其實一也。釋書精舍梵宮寶地，紺園化城，淨土鷲峯，布金之地。並六帖尚書御史所止，皆曰寺。故後代道場及祠宇皆取其稱焉。應劭風俗通詩句若耶溪，傍雲門寺，青鞋布襪從此始。杜紺字出青蓮。坡蔣

### 古今事實

羣書要語卷之三十五

建寺之始

漢明帝於東都門外立精舍以處攝摩騰竺法蘭即白馬寺也騰始自西域以白馬馱經來初止鴻臚寺遂取寺名初置白馬寺即僧寺之始也事物紀原

祇園

佛大檀越須達多長者居舍衛國常施孤獨故曰給孤獨因往王舍城護彌長者家為男求聘因見其家請佛說法須達本事外道忽聞佛法生歡喜心接足作禮而白佛言我舍衛國人多信邪弟子欲營精舍請佛住化佛默受請即遣舍利弗指授規則徧處求踏唯有祇陀太子一園廣八十頃林木鬱茂幽靜可居既得勝地往白太子太子戲曰滿以金布便當相與須達出

金布六十頃精舍告成九千二百有處白王遣使請佛安居世經律異相

捨宅為寺

晉司徒王珣及弟珉捨宅為虎丘寺白居易東都履道第卒後為佛寺荆公居金陵自東門往蔣山至其故宅方半道乃擊築決水以通城河後請以宅為寺因號半山

嘗曹溪水

梁天監元年前有天竺國僧智藥自西土來泛舶至漢土尋流上至韶州曹溪水口聞其香掬嘗其味曰此水上流有勝地尋之遂開山立石寶林乃云此去百七十年當有無上法寶在此演法今六祖南華是也

佛宇如殿

魏世宗作瑤光寺胡太后又作末寧寺皆在宮側又作石窟寺於伊闕口皆極土木之美而末寧尤盛佛殿如太極殿南門如端門僧房千間珠玉錦綉駭人心自有佛法入中國塔廟之盛未之有也 通鑑梁紀

寺為窟室

宋元嘉二十三年魏崔浩不喜佛法每言於魏主宜除之及魏主討蓋吳至長安入佛寺沙門飲從官酒從官入其室見大有兵器出以白帝帝怒曰此非沙門所用必與蓋吳通謀欲為亂耳命有司按誅闔寺沙門閱其財產大得釀具及州郡牧守富人所寄藏物以萬計又為窟室以處婦女浩因說帝悉誅天下

沙門毀諸經像帝從之詔自今以後敢有事胡神及造形像泥人銅人者誅太子晃素好佛法乃緩宣詔書使遠近豫聞之得各為計沙門多亡匿獲免或收藏經像唯塔廟在魏境者無復子遺

諫起佛寺

宋虞愿為散騎常侍明帝起湘宮寺費極奢侈又起莊嚴刹十層不可立分為兩刹各五層帝曰卿至湘宮寺未我起此寺是大功德愿曰陛下起此寺皆是百姓賣兒販婦佛若有知當悲哭哀愍罪高浮屠何有功德帝怒使人馳曳下殿

卓錫開山

舒州潛山最奇絕而山麓尤勝誌公與白鶴道人欲之同謀於

梁武帝帝以二人俱具靈通，各以物識其地。得者居之。道人云：某以鶴止處為記。誌公云：某以草錫處為記。已而鶴先飛去。至麓將止，忽聞空中錫飛聲。誌公之錫遂卓於山麓。道人不懼。然以前言不可食，遂各以所識築室焉。

神巖寺基

國一大師因獵者導自徑山重岡之西，至於危峯之北，有頃素衣老人前而致拜，請師登山絕頂。入五峯之間，願捨此地為師立錫之所。太湫指謂師曰：吾家若去此，湫當涸，留一水穴，幸勿墟之。我將時至而衛師言訖，雲霧晦冥，風雨驟作。及明既霽，湫水盡涸，惟一穴尚存，謂之龍井。今庵基見在，諸草不生。事狀

上方

常琮侍煬帝遊寶山，帝曰：幾時到上方？琮曰：昏暗應須到上方頭，左右失笑。帝曰：淳古君子也。

方丈

唐顯慶中，王玄策使西域，至毗耶離城。晉舍篤國有維摩居士，石室以手板縱橫量之，得十笏，故名方丈室。

毀佛寺

唐武宗朝，祠部奏括天下寺四萬六百，蘭若四萬，僧尼二十六萬。上惡僧尼耗蠹天下，欲去之。道士趙歸真等復勸之，乃毀山野蘭若，所毀寺四千六百餘區，歸俗僧二十六萬五百人。本紀

古今文集

古詩

事文類聚前集

卷之三十五

二十八

嶽麓道林二寺詩

杜甫

玉泉之南麓山殊道林二壑爭盤結寺門高開洞庭野殿脚插  
 入赤沙湖五月寒風冷佛骨六時天樂朝香爐地靈步步雪山  
 草僧寶人人滄海珠塔劫宮墻壯麗敵香厨松道清涼俱蓮花  
 交響共命鳥金榜雙迴三足鳥方丈涉海費時節玄圃尋河知  
 有無暮年且喜經行近春日蕪蒙暄暖扶飄然斑白身奚適傍  
 此煙霞那可誅桃源人家易制度橘洲田土仍膏腴潭府邑中  
 甚淳古太守庭內不喧呼昔遭衰世皆悔迹今幸樂國養微軀  
 依止老宿亦未晚富貴功名焉足圖父為野客尋幽慣細學何  
 顛免與孤一重一掩吾肺腑山鳥山花吾友于宋公放逐曾題  
 壁物色分留與老夫

嶽麓寺

沈傳師

承明年老輒自論乞得湘守東南奔為聞茲國富山水青嶂遞  
 迤僧家園合香珥筆皆耆舊謙挹自忘臺省尊不令執簡僕亭  
 館直許携手遊山樊忽驚列岫晚來逼朔雪洗盡煙嵐昏碧波  
 迴嶼三山轉丹檻達郭千艘屯華鑣蹀躞沙步大旆綵錯輝  
 松門椽枝競鶩龍蛇勢折幹不減風霆痕相重古殿倚巖腹別  
 引新徑縈雲根目傷平楚虞帝魂情多思遠聊開樽危弦細管  
 逐歌颺畫鼓綉靴隨節翻鏘金七言陵老杜入木八法蟠高軒  
 嗟余老倒久不利忍復感激論元元

道林寺

韋蟾

石門迥接蒼梧野愁色陰深二妃寡廣殿崔嵬萬壑間長廊詰

曲下巖下靜聽林飛念佛鳥細看壁畫馱經馬暖日斜明蟬  
梁濕煙散暮鴛鴦瓦北方部落檀香塑西國文書唄葉寫壞欄  
近竹醉好題窄路垂藤困堪把沈裴筆力闢雄壯宋杜詞源兩  
風雅他方居士來施齋彼岸上人投結夏悲我未離擾擾徒勤  
我休學悠悠者何時得與劉遺民同入東林白蓮社

金山行

郭功父

金山杳在滄溟中雪崖水柱浮仙宮乾坤扶持自今古日月  
髣髴西東我泛靈槎出塵世搜索異境窺神工一朝登臨重太  
息四時想像何其雄卷簾夜閣掛北斗天鯨驚浪吹長空舟摧  
岸斷豈足數往往霹靂鏈蛟龍寒蟾八月蕩瑤海秋光上下磨  
青銅鳥飛不盡暮天碧漁歌忽斷蘆花風蓬萊久聞未成往壯

觀絕致遙應同潮生潮落夜還曉物與數會誰能窮百年形影  
浪自苦便欲此地安微躬白雲南來入我望又起歸與隨征鴻

題落星寺

黃山谷

巖巖康俗先生廬其下宮亭水所都北辰九關隔雲雨南極一  
星在江湖

又

北風捲沙過夜窻枕底鯨波撼蓬島箇中即是地行仙但使心  
閑自難老

又

星宮游空何時落著地亦化爲寶坊詩人晝吟山入坐醉客夜  
愕江撼床窻房各自開戶牖蟻穴或夢爲侯王不知青雲梯幾



級更借瘦藤尋上方

又

落星開士深結屋龍閣老翁來賦詩小甫藏山客坐火長江接  
天帆到遲宴寢清香與世隔畫圖妙絕無人知蜂房各自開戶  
牖處處煮茶藤一枝

慈雲寺

黃魯直

城東寶坊金碧重道人脩惠剪蒿蓬二餅一鉢三十年瓊樓碧  
瓦上秋空稻田摩衲擁黃髮專築書閣諸天中三后在天遺聖  
墨百神受職扶琳宮文思帝澤餘溫潤雨露下國常年豐貢川  
章川結襟帶梅嶺桂嶺來朝宗參旗斗柄畧欄楯清坐耳聞河  
漢風道人飽參口掛壁頗喜作詩如已公家風秀句刻琬琰邀

我落筆何能工安得雄文壓勝境九原喚起杜陵翁

虎丘寺

蘇子瞻

入門無平田石路細穿嶺陰風生澗壑古木翳潭井湛盧誰復  
見秋水光耿耿鐵花秀巖壁殺氣噤蛙龜幽幽生公堂左右立  
頑礪當年或未信異類服精猛胡為百歲後仙鬼互馳騁窈然  
留清詩讀者為悲哽東軒有佳致雲水麗千頃熙熙覽生物春  
意頗凄冷我來屬無事暖日相與永喜鵲翻初旦愁為躡落景  
坐見漁樵還新月溪上影悟彼良自強歸田行可請

遊車露寺

寺有石如羊相傳謂之狠石云諸葛孔明坐其上  
與孫仲謀論曹公也大鑊一按銘梁武帝所鑄畫

獅子一菩薩二陸探微筆衛公所晉祠堂在寺手  
植相合抱矣近寺僧發古殿基得舍利七粒并石  
記乃衛公為穆宗追福所葬也

古郡山為城層梯轉朱欄樓臺斷崖上地窄天水寬一覽吞數  
州山長江漫漫却望大明寺惟見煙中竿狼石卧庭下窮隆如  
伏獠緬懷卧龍公挾策事瑯嶼一談收獅子再說走老瞞名高  
有餘想事往無留觀蕭公古鐵鑊相對空團團坡陀受百斛積  
甬生微瀾泗水逸周鼎渭城薛漢盤山川失故態在此獨能完  
僧繇六合人霓衣掛水紈隱見十二疊觀者疑夸謾破版陸生  
畫青貌戲盤躡上有二天人揮手如翔鸞筆墨雖欲盡典刑垂  
不朽赫赫贊皇公英姿凜以寒古柏手親種挺然誰敢干枝撐

雲峯裂根入石窟蟠薙草得斷碑斬崖出金棺瘞藏豈不牢見  
伏理可歎四雄皆龍虎遺迹儼未泯方其盛壯時爭奪肯少安  
廢興屬造物遷逝誰控搏况彼妄庸子而欲事所難古今共一  
軌後世徒辛酸聊與廣武歎不待雍門彈  
律詩

金山寺

張祐

一宿金山頂微茫水國分僧歸夜舫月龍出曉堂雲樹影中流  
見鍾聲兩岸聞因悲在朝市終日醉醺醺

又

孫魴

萬古波心寺金山名日新天多剩得月地少不生塵櫓過妨禪  
夢濤驚滅佛身誰言張處士題後更無人

無錫縣東山寺

張祐

舊宅何人在空門客自過  
泉聲到池盡山色上樓多  
小洞穿斜竹重堦夾瘦莎  
殷勤入城市雲水暮鍾和

天台寺

杜荀鶴

一到天台寺高低景旋生  
共僧巖上坐見客海邊行  
野色人耕破山根浪打驚  
忙時回閑處不覺有閑情

登甘露寺

周繇

盤山上幾層峭壁半垂藤  
殿鎖南朝像龕禪外國僧  
海濤捲初檻江雨灑窓燈  
日暮疎鐘起聲聲徹廣陵

孤山寺

張祐

樓臺從碧岑一徑入湖心  
不用山長潤無雲水自陰  
斷橋荒蘚

合空院落花深猶憶西窓月  
鍾聲在北林

題東虎丘寺

白居易

香剎看非遠祇園入始深  
龍蟠松矯矯玉立竹森森  
憐石千僧坐靈池一劍沉  
海當亭兩面山在寺中心  
酒熟憑花勸詩成倩鳥吟  
寄言軒冕客此地好抽簪

夜遊西武丘寺

白居易

不厭西丘寺閑來即一過  
舟舡轉雲島樓閣出煙蘿  
路入青松影門臨白月波  
魚跳驚葉燭猿覩悔鳴珂  
搖曳雙紅旆娉婷十翠娥  
香花助羅綺鍾梵雜笙歌  
領郡時將久遊山數幾何  
十年十二度非少亦非多

題破山寺後禪院

常建

清晨入古寺。初日朗高林。竹徑通幽處。禪房花木深。山光悅鳥  
性。潭影空人心。萬籟此都寂。但餘鍾磬音。

過寶慶寺

司空曙

黃葉前朝寺。無僧寒殿開。池晴龜出曝。松暮鶴飛回。古井碑橫  
草。陰廊畫雜苔。禪宮亦銷歇。塵世轉堪哀。

題鶴林寺僧室

李涉

終日昏昏醉夢間。忽聞春盡強登山。因過竹院逢僧語。又得浮  
生半日閑。

楓橋寺

張繼

月落烏啼霜滿天。江楓漁火對愁眠。姑蘇臺下寒山寺。半夜鍾  
聲到客船。

登雲棲寺塔

劉禹錫

步步相携不覺難。九層雲外倚欄干。忽然笑語半天上。無限遊  
人舉眼看。

天竺寺

白居易

一山門作兩山門。兩寺元從一寺分。西澗水流東澗水。南山雲  
起北山雲。前臺花發後臺見。上界鍾清下界聞。遙想吾師行道  
處。仙花桂子落紛紛。

題廬山寺

馬戴

白茅為屋宇。編荆數處墻。堆石疊成東谷。笑言西谷響。下方雲  
雨上方晴。鼠驚樵客綠。蒼壁猿戲山僧。撼紫煙。別有一條投澗  
水。竹筒斜引入茶鑪。

虎丘西寺

劉禹錫

吳王冠劍作塵埃，葬地翻為七玉臺。石砌百尋光似鏡，井輪千  
轉響成雷。昔年隸慕聯枝發，今日蓮宮並蒂開。更有女郎墳在  
此，時時雲雨試僧來。

題靈巖寺

劉禹錫

十萬人家天塹東，管弦臺榭滿東風。功歸范蠡五湖上，國破西  
施一笑中。香逕自開蘭葉細，簾廊猶響月華空。尊前有暇但懷  
舌，欲飲一盃誰與同。

陪潤州裴如晦學士遊金山迴作

楊公濟

世上蓬萊第幾洲，長雲漠漠鳥飛愁。海山亂點當軒出，江水中  
分繞檻流。天遠樓臺橫北固，夜深燈火見揚州。迴船却望金陵

月，獨倚牙旗坐浪頭。

金山寺

王介甫

天末海雲橫北固，煙中沙岸似西興。已無舡舫猶聞笛，遠有樓  
臺祇見燈。山月入松金破碎，江風吹水雪崩騰。飄然欲作乘槎  
計，一到扶桑恨未能。

遊虎丘山寺

王元之

寺墻圍著碧孱顏，曾是當年海湧山。盡把好峯藏院裏，不教幽  
景落人間。劍池草色經冬在，石座苔花自古斑。珍重晉朝吾祖  
宅，一迴來此便忘還。

甘露寺

沈存中

丞相高齋半草萊，舊時風月滿亭臺。地從日月生時見，天到江

山盡處回三國是非春夢斷六朝城闕野花開心隨潮水漫漫  
去流徧煙村半日來

詩話

靈隱夜吟

宋之問遊靈隱夜吟云鷲嶺巒巒龍宮隱寂寥久不能續有  
老僧坐禪曰何不道樓觀滄海日門對浙江潮桂子月中落天  
香門外飄捫蘿登塔遠刻木引泉遙云云遲明僧不見人以爲  
駱賓王也

闍梨飯後鍾

王播少孤貧安揚州木蘭院隨僧齋粥僧厭苦之飯後擊鍾其  
後播鎮揚州訪舊題詩處有白上堂已了各西東慙愧闍梨飯

後鍾後二紀播出鎖是邦何所題已碧紗籠之矣乃續云三十  
年來塵撲面如今始得碧紗籠小說

烹食寺狗

滕元發少居鄉里寺中修業一日烹寺犬食之僧笑曰能作滕  
先生偷狗賦即不申理其破題云僧惟不淨狗也宜偷餅餌引  
來猶擺續貂之尾索絢牽去難回顧兔之眸又云既欲思於實  
腹遂乃設於空味取狗豨也見侯鯖錄

寺僧蒸豚

王中令既平蜀饑甚入一村寺主僧醉甚箕踞公欲斬之僧應  
對不懼公奇之公求蔬食云有肉無蔬餽蒸猪頭甚美公喜問  
止能飲酒食肉耶爲有它技也僧言能詩公令賦蒸豚立成云

新編古今事文類聚前集卷之三十六  
三十一  
蕭長毛短淺令臙久向山中食藥苗蒸處已將蕉葉裹孰特燕  
用杏漿澆紅鮮雅稱金盤釘軟孰真堪玉筋挑若把種根來比  
並種根自合喚藤條公大喜與紫衣師號仇池筆記

此類聚前集卷之三十六  
蕭長毛短淺令臙久向山中食藥苗蒸處已將蕉葉裹孰特燕  
用杏漿澆紅鮮雅稱金盤釘軟孰真堪玉筋挑若把種根來比  
並種根自合喚藤條公大喜與紫衣師號  
仇池筆記

新編古今事文類聚前集卷之三十六

建安 祝穆 和父 編  
金陵 唐富春 子和 刊

民業部

農家 田附

羣書要語提封五萬疆場緝紛溝塗刻鏤源隰龍鱗決渠降雨  
荷種成雲五穀垂穎桑麻敷芬西都賦漢武詔火耕水耨應劭  
曰燒草下水種稻益生因悉芟去復下水灌永草死獨稻長所  
謂火耕水耨也漢書載芟載柞其耕澤澤詩其饑伊黍其笠伊  
糾其縛斯趙以媯茶蓼茶蓼朽止黍稷茂止良耜鑑彼南畝田

新編古今事文類聚前集卷之三十六

畷至喜七月若農服田力穡乃亦有秋盤庚隋農自安不昏作

勞不服田畝同上人生在勤勤則不匱管子農夫不為水旱輟

耕荀子農簣圃笠共談壠畝間業正則文

田一歲曰苗二歲曰新三歲曰畚爾雅雍州厥田惟上上禹貢

百畝之田勿奪其時數口之家可以無饑孟子

詩句夕陽臨水釣春雨向田耕劉長卿雨中耕白水雲外斲青

山許渾種稻耕白水負薪斫青山孟郊水耕先浸草春火更燒

山杜畚田貴火聲煥爐杜曲江幸有桑麻田故將移住白雲邊

杜雖為尚書郎不及村野人藹藹桑麻交公侯為等倫杜

古今事實

耕莘樂道

伊尹耕于有莘之野以樂堯舜之道

耦耕

長沮桀溺耦而耕孔子過之使子路問津焉長沮曰是知津矣

問於桀溺云耦而不輟微子

荷蓑

子路從而後遇丈人以杖荷蓑子路問曰子見夫子乎丈人曰

四體不勤五穀不分孰為夫子植其杖而芸止子路宿殺雞為

黍而食之見其二子焉同上

豚蹄禳田

淳于髡滑稽多辯齊威王八年楚伐齊齊使髡之趙請救齊金

百斤車馬千駟髡仰天大笑冠纓索絕王曰先生少之乎髡曰



臣今者從東方來見道傍穰田者操一豚蹄酒一盃祝曰甌窶  
蒲簞汗邪滿車五穀蕃熟穰穰滿家臣見其所持者狹所欲者  
奢故笑之齊王乃益黃金千鎰白壁十雙車馬百乘髮至趙示  
精兵十萬楚聞之引去注簞籠也汗邪下地田也

輟耕壠上

陳勝字涉少時嘗與人傭耕輟耕之壠上張然曰苟富貴無相  
忘傭者笑勝曰嗟乎燕雀安知鴻鵠之志哉

羊酒自勞

楊惲與孫會宗書曰臣之得罪已三年矣田家作苦歲時休臘  
烹羊包羔斗酒自勞家本秦也能為秦聲婦趙女也雅善鼓瑟  
奴婢歌者數人酒後耳熱仰天拊缶而呼烏烏其詩曰田彼南

山蕪穢不治種三頃豆落而為糞人生行樂耳須富貴何時

躬耕壠畝

諸葛亮躬耕壠畝好為梁父吟

負郭十畝以下係田

孔子曰回家貧胡不仕對曰固有郭外之田五十畝足以給飪  
粥郭內之田十畝足以為絲麻回不願仕

負郭二頃

蘇季子曰吾若有雒陽負郭二頃田安能佩六國印乎

買田自污

黥布反上數使使問相國何為客說曰胡不多買田地賤貴而  
以自污何從其計

伯耕使學

陳平少時家貧好讀書治黃帝老子之術有田三十畝與伯居伯常耕縱平使游學

及貴買田

張禹內殖資財及富貴多買田至四百頃皆涇渭溉灌極膏腴

自耕而食

徐穉嘗自耕稼非其力不食

身後桑田

諸葛亮自表後主曰成都有桑八百株薄田十五頃弟子衣食自有餘饒臣死之日不使內有餘帛外有贏財以負陛下

求田問舍

許汜見陳元龍元龍謂汜曰今天下大亂所望君憂國忘家有救世之意而君求田問舍言無可采

有田不仕

王素使謂文中子曰蓋仕乎子曰疏薦之南汾水之西有先人之故廬在可以避風雨有田可以具饘粥彈琴著書講道勸義自樂也願君侯正身以統天下時和歲豐則通也受賜多矣不願仕也

苦饑常勤

陸龜蒙有田數百畝屋三十楹田苦下雨潦則與江通故常苦饑身畚插蒨刺無休或譏其勞答曰堯舜黻稽禹胼胝彼聖人也吾一褐衣敢不勤乎

陸文

多田翁

盧從愿占良田數百頃自此薄之目為多田翁

古今文集

雜著

稼軒記

洪景廬

國家行在武林廣信。晁家適畿輔東舟西車。蠡牛錯出處勢便。近士大夫樂寄焉。環城外中買宅。且百數。基局不能寬。亦曰避燥濕寒暑而已耳。郡治之北可里所。故有曠土存。三面傅城前。枕澄湖如寶帶。其從千有二百三十尺。其衡八百有二十尺。截然砥平。可廬以居。而前乎相攸者皆莫識其處。天作地藏。擇然後予。濟南辛侯幼安。最後至。一旦獨得之。既築室百楹。度射占

地什四。乃荒左偏。以立圃。稻由泱泱。居然衍千弓。意它日釋位而歸。必躬耕於是。故憑高作屋。下臨之。是為稼軒。而命田邊立亭。曰植杖。若將真秉耒耨之為者。東岡西阜。北墅南麓。以青徑款竹。以錦路行海棠。集山有樓。婆娑有堂。信步有亭。滌研有渚。皆約畧位置。規歲月緒成之。而主人初未之識也。繪圖呈予。曰吾甚愛吾軒。為我記。予謂侯本以中州雋人。抱忠仗義。章顯聞於南邦。齊虜巧負國。赤手領五十騎。縛取於五萬眾中。如拔兔兔。東馬銜枚。由關西。秦淮至。通晝夜。不粒食。壯聲英槩。儒士為之興起。聖天子一見。三歎息。用是簡深知。入登九卿。出節使。二道四立。連率莫府。頃賴氏寇作。自潭薄於江西。兩地驚震。談笑掃空之。彼遭事會之來。擊中原。還職方氏。彼周公瑾安石事業。

俠蓋饒爲之此志未償謝顧自詭放浪林泉從老農學稼無亦  
大不可歎若予者俵俵一世間不能爲人軒輊乃當失須襍穢  
醉眠牛背與羣童牧孺肩相摩幸未梨老時及見俠展大功名  
錦衣來歸竟厦屋潭潭之樂將荷笠棹舟風乎玉溪之上因圍  
隸內謁曰是嘗有力於稼軒者俠當輟食迎門曲席而坐握手  
一笑拂壁間石細讀之庶不爲生客俠名棄疾今以右文殿脩  
撰再安撫江南西路云

古詩

畚田行

劉禹錫

何處好畚田團團縵山腹鑽龜得兩卦上山燒卧木下種暖灰  
中乘陽坂牙孽蒼蒼一雨後蒼穎如雲發

渭水田家

王維

斜陽照墟落窮巷牛羊歸野老念牧童荷鋤候荆扉雉鳴麥苗  
秀蚕眠桑葉稀田夫荷鋤至相見語依依即此羨閑逸悵然歌  
式微

田家

聶夷中

父耕原上田子斲山下荒木月禾未秀官家已條倉鋤田當月  
午汗滴禾下土誰念盤中餐粒粒皆辛苦二月賣新絲五月糶  
秋穀醫得眼前瘡剗却心頭肉我願君王心化爲光明燭不照  
綺羅筵只照逃亡屋

田舍曲

王貞白

古今利名路只在儂門前至若不離家一生常晏眠牛羊晚自

歸兒童戲野田。豈思封侯貴。唯只待豐年。征賦不辭苦。但願時官賢。時官苟貪濁。田舍生憂煎。

田家雜興

儲光義

梧桐陰去我門。薜荔網我屋。迢迢兩夫婦。朝出暮還宿。稼穡既自務。牛羊還自牧。日午嬾耕鋤。登高望川陸。空山足禽獸。墮落多喬木。白馬誰家兒。聯翩相馳逐。

又

楚山有高士。梁國有遺老。築室既相隣。向田復同道。糠糲常共飯。兒孫每更抱。忘此耕耨勞。愧彼風雨好。蟪蛄鳴空澤。鷓鴣生秋草。日夕寒風來。衣裳苦不早。

田家書情

前人

蕭葉日以長。荷花日以滋。老農要看此。貴不違天時。迎晨起飯。牛雙駕。耕東畜蚯蚓。土中出。田鳥隨我飛。群合亂。噪嗷如道饑。我心多惻隱。顧此兩傷悲。發食飼田鳥。日暮空筐歸。親戚更相誦。我心終不移。

觀田家

韋應物

微雨衆卉新。一雷驚蛰始。田家幾日閒。耕種從此起。丁壯俱在野。場圃亦就理。歸來景常晏。飲犢西澗水。饑劬不自苦。膏澤且為喜。倉廩無宿儲。徭役獨未已。方慚不耕者。祿食出閭里。

野老歌

張籍

老翁家貧在山住。耕種山田三四畝。苗疎稅多不得食。輸入官倉化為土。歲暮鋤犁倚空室。呼兒登山收橡實。西江賈客珠百

斛。艇中養大長食肉。

歌元豐

王介甫

歌元豐十日五日一雨風。麥行千里不見土。連山沒雲皆種禾。  
水秧綿綿復多餘。龍骨長乾掛梁杙。鮒魚出網蔽洲渚。荻笋肥  
甘勝牛乳。百錢可得斗酒許。雖非社日長聞鼓。吳兒踏歌女起  
舞。但道快樂無所苦。老翁斲水西南流。楊柳中間棹小舟。乘興  
欲眠過白下。逢人歡笑得無愁。

水車

蘇子瞻

翻翻聯聯銜尾鴉。犂犂确确蛇殼蛇。分畦翠浪走雲陣。刺水綠  
鍼抽稻牙。天上不念老農泣。喚取阿香推雷車。

律詩

長安秋夜

章孝標

田家無五行。水旱卜蛙聲。牛犢乘春放。兒孫候暖耕。池塘煙未  
起。桑柘雨初晴。歲晚香醪熟。村村自送迎。

陸渾山莊

宋之問

歸來物外情。負秋閣巖耕。源水看花入。幽林採藥行。野人相問  
姓。山鳥自稱名。去去獨吾樂。無能愧此生。

書村叟壁

鄭谷

草肥朝牧牛。桑綠晚鳴鳩。列岫簷前見。清泉碓下流。春蔬和雨  
割。社酒向花籌。引我南陂去。籬邊有小舟。

張谷田舍

鄭谷

縣官清且儉。深谷有人家。一徑入寒竹。小橋穿野花。碓喧春澗

蒲拂倚綠桑斜。自說年來稔。前村酒可賒。

田家作

王維

舊穀行將盡。良田米可希。老年方愛粥。卒歲且無衣。雀乳青苔井。雞鳴白板扉。柴車駕羸犢。草屨牧豪豨。多雨紅榴拆。新秋綠芋肥。餉田桑下。憇傍舍。草中歸。住處名愚谷。煩君問是非。

題汶川村居

滕白

種茶巖接紅霞塢。灌稻泉生白石根。晴腹老翁眉似雪。海棠花下戲兒孫。

田家

鄭毅夫

田家汨汨流水渾。一樹高花明遠村。雲意不知殘照好。却將微雨送黃昏。

田家

歐陽永叔

綠楊高下映平川。簷罷田神笑語喧。林外鳴鳩春雨歇。屋頭初日杏花繁。

田園雜興

范至能

高田二麥接山青。傍水低田綠未耕。桃杏滿村春似錦。踏歌椎鼓過清明。

又

下田庠水出江流。高壠翻江逆上溝。地勢不齊人力盡。丁男長在踏車頭。

時世行

杜荀鶴

夫因兵死守蓬茅。麻苧裙衫鬢髮焦。桑柘廢來猶納稅。田園荒

畫尚微苗時挑野菜和羹煮旋斫生柴帶葉燒任是深山更深處也應無計避征徭

又

八十老翁住二村村中半落不堪論因供寨木無桑柘為點鄉兵絕子孫還似平寧徵賦稅未曾州縣畧安存至今雞犬皆星散日落西山哭倚門

秋雨輞川莊作

王維

積雨空林烟火遲蒸梨炊黍餉東菑漠漠水由飛白鷺陰陰夏木轉黃鸝山中習靜觀朝槿松下清齋折露葵野老與人爭席罷海鷗何事更相疑

### 蠶家

羣書要語季春之月后妃躬桑禁婦女毋觀省婦使以觀蠶事既登分繭絲効功以共郊廟之服月令天子諸侯必有公桑蠶室近川而為之三官之夫人世婦之吉者使入蚕于蚕室奉浴種子川桑于公桑瞻仰注

古今事實

馬頭娘

蜀之先有蠶叢帝又高辛時蜀有蠶女不知姓氏父為人所掠惟所乘馬在女念父不食其母因誓於眾曰有得父還者以此女嫁之馬聞其言驚躍振迅絕其拘絆而去數日父及乘馬而



歸自此馬嘶鳴不肯齒母以誓衆之言是日父曰誓於人不誓於馬安有人而偶非類乎能脫我於難功亦大矣所誓之言不可行也馬跑父怒欲殺之馬愈跑父射殺之曝其皮於庭皮蹶然而起卷女飛去旬日皮復棲於桑上女化為蠶食桑葉吐絲成繭以衣被於人間下日蚕女乘雲駕此馬侍衛數十人謂父母曰太上以我身心不念義授以九宮仙嬪矣無復憶念也今冢在什邡綿竹德陽三縣界每歲祈蚕者四方雲集蜀之風俗官觀諸化塑女像披馬皮謂之馬頭娘以祈蚕焉圖經

祀先蠶

于寶云祀先蠶婦人寓氏女之尊稱先蚕也

祭蠶室

吳縣張成見一婦人立宅東南角謂成曰此地是君蠶室我即地神正月半日可作白粥沒膏於上以祭之當令君家蚕葉百陪言訖而去成如其言大得蚕續齊諧記

古今文集

雜著

蠶賦并序

陸龜蒙

苟知有蠶賦楊泉亦為之皆言蠶有功於世不斥其禍於民也余激而賦之極言其不可能無意乎詩人碩鼠之刺於是乎在古民之衣或羽或皮無得無喪其游熙熙蕙麻緝纆官初喜窺十奪四五民心乃離逮蚕之生繭厚絲美機杼經緯龍杏葩卉官延益蠶盡取後已嗚呼既豢而烹蚕實病此伐桑滅蚕民不

陳苑  
古詩

蠶簇詞

王建

蠶欲老，箔頭作繭絲皓皓。場寬地高，風日多，不向中庭懸蒿草。  
神蚕急作，莫悠揚。年老為尔，奈神桑。但得青天不下，雨上無蒼  
蠅。下無鼠，新婦拜簇，願尔稠女，灑桃漿，男打鼓，三日開箔，雲團  
團。先將新繭，送縣官，已聞鄉里催織作，去與誰人身上着。

織女怨

文與可

擲梭兩肘倦，踏索雙足趺。三日不住織，一尺纔可剪。織處長明  
日，剪時審刀尺。皆言邊幅好，自愛經緯密。昨朝特入庫，何事監  
官怒。大字彫印文，濃和油墨污。父母抱歸舍，拋下中門下。相看

各無語，淚迸若傾瀉。質錢解衣服，買絲添上軸。不敢輒下機，連  
宵停火燭。當湏了，稗賦豈暇恤。襦袴前知寒，切骨甘心扇。野露  
里脊踞門限，吐罵嗔納晚。安得織婦心，變作監官眼。

### 貨殖家

商賈附

羣書要語：鷄鳴而起，孳孳為利者，跖之徒也。孟子：市井相與言

則以財與利。楊子

商賈行曰：商處曰賈，金玉曰貨，布帛曰賄。天官家宰注：古之為  
市者，以其所有易其所無者，有司者治之耳。有賤丈夫焉，必求  
龍斷而登之，以左右望而罔市利。人皆以為賤，故從而征之。征  
商自此賤丈夫始矣。公丑天下之商皆悅而願藏於其市矣。同

上諺曰千金之子不死於市此非空言也故曰天下熙熙皆為  
市來天下穰穰皆為利往夫千乘之王萬家之侯伯室之君尚  
猶患貧而况匹夫編戶之氓乎貨殖序凡編戶之民富相什則  
累下之伯則長憚之千則役萬則僕物之理也夫用貧未富農  
不知工工不如商刺繡紋不如倚市門此言末業貧者貧也貨  
殖序組贖注會一家交易也駟者其首率也同上諺曰百里不  
販糶千里不販糶居之一歲種之以穀十歲樹之以木百歲來  
之以德德者人物之謂也今有無秩祿之奉爵邑之入而樂與  
之比者謂之素封衣食之欲恣所好羨矣同上富商賈或滯財  
役貧轉轂百數廢居邑注或有所廢置有所居蓋居邑中以乘  
時射利也後食貨志巷列千所羅居百族則能日語額驩談論

於尺寸之間窺窬於分毫之際晉成伯陽市賦

詩句市人日中集於利競錐刀

古今事實

伎巧致利

太公望封於營丘地瀉鹵人民寡於是勸其女功極技巧則人  
物歸之襁至而輻輳故齊冠帶衣履天下海岱之間歛袂而往  
朝焉貨殖傳

人棄我取

白圭周人也當魏文侯時李克務盡地力而白圭樂觀時變故  
人棄我取人取我予夫歲熟取穀予之絲漆蠶出取布帛予之  
食史記

好停貯

子貢好廢舉注廢舉停貯也物賤則買而停貯值貴則轉移取利也

焚券得民

孟嘗君使馮驩收債於薛驢至召取錢者殺牛置酒與期貧者取而燒之曰有君如此豈可負哉孟嘗君聞而怒召驢云云驢曰有餘者與期不足者終無以償焚無用之券指不可得之屋計令薛民親君有何疑焉孟嘗君拊手而謝之

居家致富

范蠡浮海出齊變姓名自謂鴟夷子皮耕于海畔苦身戮力父子治產致數十萬齊人聞其賢以為相蠡喟然嘆曰居家則致

千金居官則致卿相此布衣之極也乃歸相印散其財與知友鄉黨而懷其重寶間行以去止於陶以為此天下之中交易有無之路通為生可以致富矣自謂陶朱公復約要父子耕蓄廢居使時轉物逐什一之利居無何則致貲累鉅萬越世家

者萬物錄

計然者濮上人也博學無所不通尤善計筭嘗南遊越范蠡畢身事之其書則有萬物錄著四方所出本傳

公侯殖貨

漢張安世自以父子封侯在位大盛乃辭祿詔都內別藏張氏無名錢以百萬數安世身為公侯邑萬戶然身衣弋絺夫人自紡績家童七百人皆有手技是以能殖其貨富於大將軍光注

都內主藏官安世已選官官不簿也

收息百三

王莽令市官收賤買賣賒貸于民收息百月三注出百錢于民用月收其息三錢也

衣繫衆鑰

漢吏部侍郎張允家貲萬計而性吝不采妻子自繫衆鑰於衣下如環佩聲郭威入京師允匿佛殿藻井之上板壞而墜凍餒而卒續世說

焚券自償

後漢樊宏其父重字君雲世善農稼好貨殖年八十餘終素所假貸人間數百萬道令焚削文契債家皆慙爭往償之諸子從

敕竟不受建武中追爵壽張敬侯

積財能散

後漢折像字伯式有貲財二億家僮八百人像散全帛資產周施親疎或諫之像曰吾門戶殖財日久今世將衰子又不才不仁而富謂之不幸墻隙而高其崩必疾也智者聞之咸服焉

為鬼所笑

宋劉伯龍歷位九卿郡守貧窶尤甚常在家慨然將營什一之方一鬼在傍撫掌大笑伯龍歎曰貧窮固有命乃復為鬼所笑也遂止

自執牙籌

王戎性好與利廣取八方園由水碓周徧天下積寶聚錢不知

紀極每自執牙籌晝夜算計常若不足女適裴頴其錢數萬又而未還女後歸寧戎色不悅女遽還直然後乃歡從子將昏戎遺其一車求婚訖而更責取

身障一簾

阮咸傳初祖約性好財有請約約料理物客至屏當不盡餘兩小簾以著背後傾身障之

父焚其券

朱顧觀之子綽私財甚豐鄉里士庶多負債觀之禁不能止後誘出文券一大厨悉令焚之宣語遠近皆不復還綽懊歎曰立市易法

熙寧間詔京師置市易務樞密使文彥博言市易司遣官監賣

菓實有損國体王安石曰陛下不殖貨利豈於菓實收數千緡息以規利者直以細民久為兼并所苦故為立法耳長編

與錢輟歌以下係商賈

劉伯芻侍郎所居巷日有鬻餅者早過戶必聞謳歌當爐召與萬錢令多其本日取胡餅償之後過其戶寂不聞歌聲呼至問曰何輟歌之遽乎曰本領既大心計轉麤不暇唱渭城矣隋唐嘉話

借財命窮

昔有周孿者家貧夫婦夜田天帝見而矜之問司命曰此可富乎司命曰命當貧有張車子財可以假之乃借而與之期日車子生急還之田者稍富利及期夫婦輦其賄以逃同宿路傍逢

事文類聚前集 卷之三十六  
夫妻寄車下宿夜生子問名於夫夫曰生車間名車子也從是所向失利遂貧困 搜神記

雍雍

俗說有貧人止能辨敗獲雍之資夜宿雍中心計曰此雍實之若干其息已倍矣我得倍息遂可敗二雍自二雍化而為四所得倍息其利無窮遂喜而舞不覺雍破 小說

古今文集

雜著

治生用奇

田農拙業也而秦楊以甲一州掘家好事也而田叔以起博戲惡業也而栢發用之富行賈夫夫賤行也而雍樂成以饒賤賄

辱處也而雍伯千金賣漿小業也而張氏千萬酒釀薄技也而鄧氏鼎食濁氏以胃脯而連騎悔羊胃張里以馬醫而擊鍾倚頓以監鹽起郭縱以冶鑄成業至於蜀卓死孔齊之刀間公檀山川銅鐵魚塩市井之上爭王者之利下銅齊民之業皆陷不軌奢僭之惡又况掘冢搏擊犯奸成富傷化敗俗大亂之道也 貨殖傳

等千戶封

陸地牧馬二百蹄牛千蹄角千足羊水居千石魚澤中千足羸山居千草材安邑千樹棗燕秦千樹栗蜀漢江陵千樹橘淮北常山已南河濟之間千樹菽陳夏千畝漆齊魯千畝桑麻滑川千畝竹及名園萬家之城帶郭千畝鍾之田若干畝卮茜千畦

薑韭此其人皆與千戶封君等是富給之資也貨殖傳叙律詩

送海客歸舊島

海上歸應遠蠻家重島孤竹舩來桂浦山地賣魚鬚入國自獻錦逢人多贈珠却回春洞口漸象祭夫吳

### 梓匠者

圻墁者附

羣書要語伐木丁丁詩為巨室則必使工師求大木工師得大木則王喜以為能勝其任矣匠人斲而小之則王怒以為不勝其任矣孟子般倮棄其削削王爾一作爾投其鈎繩注削削鑿也鈎曲尺繩以準直甘泉賦審方尚勢覆量高深遠近箒家

謂之東今作專術東又象形如繩木所用墨斗也筆談大木為

乘細木為稱構樞侏儒椳闌居椳各得其宜以成屋室者匠氏之工韓不善為斲血指汗顏巧匠旁觀縮手袖間韓

圻墁者若作室家既勤垣墉惟其塗墍茨若作梓材既勤樸斲惟其塗丹枿梓材彭更曰有久於此毀瓦畫墁其志將以求食也則子食之乎曰否曰然則子非食志也食功也孟子滕文

古今事實

倮共工

倮汝共工

魯般木機

魯般為木為而飛之淮南子魯班為毋作木人為御機關一發



遂去不還 論衡

梓慶木鐻

梓慶削木為鐻見者驚猶鬼神魯侯問其術對曰臣將為鐻未嘗敢以耗氣齋七日忘吾四肢然後入山林觀天性區別見成鐻然後加手

公輸規矩

公輸子之巧不以規矩不能成方圓

公輸雲梯

公輸般為高雲梯欲以攻宋墨子聞之自魯往裂裳裹足日夜不休十日十夜而至干郢見楚主曰聞大王將攻宋有之乎王曰然墨子曰請令公輸般設攻宋之具臣請城守之於是公輸

般設攻宋之計墨子縈帶守之公輸般九攻之而墨子九却之不能入遂輟兵 陳射傳解帶為城以箬為械

造草木人

師偃周穆王時人縛草為人使之舞又作木人以手招王美人王怒殺師偃 六帖

捕匠和雇

裴延齡大搜市廛逮捕匠徒迫脅就工號曰救索弗離其直名曰和雇弗與之庸

撰成水經

都料預浩工於造塔每卽則交手於骨為結構之狀如此逾年撰成水經三卷行于世 歸田錄

堂無蟻罅係巧場者

號國中堂既成召工塲塲約錢二百萬復求賞技號國以絳羅五百段賞之嵬而不顧曰請取螻蟻蟻蜥記其數置堂中苟失一物不敢受直元宗紀

古今文集

雜著

梓人傳

柳宗元

裴封叔之弟在光德里有梓人欸其門願備隙宇而處焉所職尋引規矩繩墨家不居翬斲之器問其能曰吾善度材視棟宇之制高深圓方短長之宜吾指使而群工役焉捨我衆莫能就一字故食於官府吾受祿三倍作於私家吾收其直太半焉他

日入其室其牀闕足而不能理曰將求他工余甚笑之謂其無能而貪祿嗜貨者其後京兆尹將飾官署余往過焉委群材會衆工或執斧斤或執刀鋸皆環立嚮之梓人左持引右執杖而中處焉量棟宇之任視木之能舉揮其杖曰斧彼執斧者奔而右顧而指曰鋸彼執鋸者趨而左俄而斤者斲刀者削皆視其色俟其言莫敢自斷者其不勝任者怒而退之亦莫敢愠焉畫宮於諸盈尺而曲盡其制計其臺榭而構大廈無進退焉既成書於上棟曰某年某月某日某建則其姓字也凡執用之工不在列余圍視大駭然後知其術之工大矣繼而歎曰彼將捨其手藝專其心智而能知體要者歟吾聞勞心者役人勞力者役於人彼其勞心者歟能者用而智者謀彼其智者歟是足為佐

天子相天下法矣。物莫近乎此也。或曰彼王爲室者，儻或發其私智，牽制梓人之慮，奪其世守，而道謀是用，雖不能成功，豈其罪耶？亦在任之而已。余曰不然。夫繩墨誠陳，規矩誠設，高者不可抑而下也，狹者不可張而廣也。由我則固，不由我則圯。彼將樂去固而就圯也，則卷其術，默其智，悠爾而去，不屈吾道，是誠良梓人耳。其或嗜其貨利，忍而不能捨也，喪其制量，屈而不能守也，棟橈屋壞，則曰非我罪也，可乎哉？可乎哉？余謂梓人之道，類於相。故書而藏之。梓人蓋古之審曲面勢者，今謂之都料匠云。余所遇者楊氏潛，其名。

圯者王承福傳，係圯墁者。

韓愈

圯者王承福，世爲京兆長安農夫。天寶之亂，喪其土，由手鋸衣

食餘三十年，舍於市之主人，而歸其屋食之當焉。視時，屋食之貴賤而上下其圯之備，以償之。有餘則以與道路之廢疾餓者焉。又曰：食焉而怠其事者，必有天殃。故吾不敢一日捨鋸以嬉。夫鋸易能可力焉，又誠有功，取其直，雖勞無愧。吾心安焉。噫！吾操鋸以入於富貴之家，有年矣。有一至者焉，又往過之，則爲墟矣。有再至三至者焉，而往過之，則爲墟矣。問之其鄰，或曰：噫！刑戮也。或曰：身旣死，而子孫不能有也。或曰：死而歸之官也。吾以是觀之，非所謂食焉怠其事而得天殃者耶？吾之心憫焉，是故擇其力之可能者行焉。樂富貴而悲貧賤，我豈異於人哉？又愈聞其言，有可以警余者，故余爲之傳，而自鑒焉。



燧人教漁

燧人之世天下多水故教人以漁其後堯使人水處者漁

伏犧為罔

伏犧氏作結繩而為罔罟以佃以漁蓋取諸離係辭

舜漁雷澤

舜漁雷澤雷澤之人逐居本紀

如棠矢魚

公矢魚于棠又曰公將如棠觀漁者遂往陳魚而觀之非禮也公羊曰公如棠觀漁登來百金之魚而張之注云張網羅也登來美大得也耻公去南面遠與人爭利便遠觀之隱五

網得織梭

陶侃少時漁於雷澤嘗網得一織梭以挂于壁有頃雷雨自化為龍而去本傳

賣魚常價

魏任嘏字昭先遭兵亂家貧賣魚會官稅魚貴數倍嘏取直如常

以術放生

北齊陸法和在梁時所泊江湖必於峯側揭表云此處放生漁者皆無所得才或少獲輒大風兩船人懼而放之風雨乃定有小弟子戲截蛇頭來請法和法和曰汝何意殺因指示之弟子見蛇頭齧袴襠不落法和使懺悔為蛇作功德

舟載釣具

陸龜蒙高放從張搏遊歷湖蘇一州辟以自佐嘗至饒州三百  
無所詣刺史蔡京率官屬就見之龜蒙不樂拂衣去不喜交流  
俗不乘馬升舟設蓬席齋束書茶竈筆床釣具往來時謂江湖  
散人或號天隨子甫里先生自比涪翁漁父江上丈人

古今文集

雜著

漁父歌

漁父鼓枻而去歌曰滄浪之水清兮可以濯吾纓滄浪之水濁  
兮可以濯吾足漁父辭

古漁父篇

劉蛻

劉蛻云余於西塞山下見版洗而得漁父書七篇

文有高致然不知其年代故謂之古漁父  
叟行山逐禽而逢虞人虞人反以罟而獵叟欺虞人以事鬼  
神而得逸七日叟之子壯圍山而讎獵吾父者曰今日之在山  
澤殺無赦虞人亡於大澤虞之父教之以漁漁利厚於畧末年  
之富於澤上反聞叟將殺其子於帝側教之以漁天下天下之  
利厚於陶稼末年之富於九州漁者常以此自笑而聞於士師  
士師以法執之漁者對曰始臣學漁不學笑天下而天下入臣  
笑舜聞之亦曰始朕學事叟不學受天下禪而天下禪朕有置  
魚於葦間仰見鳥鳶集其上乃冠木於器旁以懼之明日澤西  
漁者乃刻材澤畔前日置魚者目眦而去而三年不敢漁其妻  
笑曰始僞以給一卷之魚學僞得益一澤之利

跋曾無逸百帆圖

楊廷秀

千山去未已一江追之予觀百餘舟出沒於風濤縹緲雲煙有無之間前者不徐後者不居何其勞也而一二漁舟往來其間獨悠然若無見者彼何人耶

跋漁浦晚歸圖

楊廷秀

浦吾里舴艋吾宅黃帽郎吾侶也苒苒京塵于今三年偶開曾無已此軸風煙慘澹波濤洶欬欣然振衣登舟云

古詩

江湖散人歌

陸龜蒙

江湖散人天骨奇短髮搔來蓬半垂手提孤篁曳寒繭口誦太古滄浪詞人間所謂好男子我見婦女留鬢眉奴顏婢膝真乞

丐反以正直為狂癡所以頭欲散不散并我魏所以腰欲散不散珮陸離行散任之適坐散從傾歌語散空谷應笑散春容披衣散單腹便食散酸醎宜客散忘簪履禽散虛籠池外物一以散中心散何疑不共諸侯分邑里不與天子專隍陴靜則守桑柘亂則逃妻兒金鑣紳帶未嘗識白刃殺我窮生為或聞藩將負恩澤號令鐵馬如風馳大君年小丞相少當軸自請都旌旗興師十萬一日費不超千金何以支抵今利口且箕歛何暇俛自哀博發均荒補敗豈無術布在方策撐頽巖冰霜襦袴易反掌白面諸郎殊不知江湖散人悲古道悠悠幸寄羲皇傲官家未議活蒼生拜賜江湖散人號

紫溪翁歌

陸龜蒙

一丘之木其栖深也。屋吾容不辱。一谿之石其居平也。席吾勞以息。一竇之泉其音清也。絃吾方在懸。得乎人得乎天。吾不知所以然而然。

先生弃而賡之曰。采江之魚。守朝甞有鱸。采江之蔬。守暮僅有蒲。左圖且書。右瑟與壺。壽歟夭歟。貴歟賤歟。歌闕而去。

觀打魚歌

杜甫

綿川江水之東津。魴魚鱖魚色勝銀。漁人漾舟沉大網。截江一擁數百鱗。衆魚常才盡。却棄赤鯉騰出如有神。潛龍無聲老蛟怒。迴風颯颯吹沙塵。夔子左右揮霜刀。鱠飛金盤白雪高。徐州秃尾不足憶。漢陰槎頭遠遯逃。魴魚肥美知第一。既飽歡娛亦蕭瑟。君不見朝來割素鬣。咫尺波濤永相失。

又觀打魚

杜甫

蒼江漁子清晨集。設網提綱萬魚急。能者操舟疾若風。撐突波濤挺义入。小魚脫漏不可紀。半死半生猶戢戢。大魚傷損皆垂傾。屈強泥沙有時立。東津觀魚已再來。主人罷餽還傾盃。日暮蛟龍改窟穴。山根鱸鮓隨雲雷。干戈兵革闕未止。鳳凰麒麟安在哉。吾徒胡爲縱此樂。暴殄天物聖所哀。

西湖秋涸東池魚窘甚。因會客呼網師遷之西池。爲一笑之樂。夜歸被酒不能寢。戲作放魚。

蘇子瞻

東池浮萍半枯塊。裂碧跳青出魚背。西池秋水尚涵空。舞闊搖深吹荇帶。吾儕有意爲遷居。老守縱饒那忍膾。縱橫爭看銀刀



出澆澗初驚玉花碎但愁數畧損鱗鬣未信長堤隔濤瀨澌澌  
發發須臾間圍圍洋洋尋丈外安知中無蛟龍種尚恐或有風  
雨會明年春水漲西湖好去相忘渺湖海

次韻答趙景旼陳履常

蘇子瞻

擾擾萬生司大塊槍榆不羨培風背青丘已吞雲夢芥黃河復  
繞天門帶嘗譏韓子隘且陋一飽鯨魚何足膾東坡也是可憐  
人披挾泥沙收細碎豈將歸修八節難又欲往釣七里瀨正似  
此魚逃網中未與造物遊數外且將新句調二子湖上秋高風  
月會爲君更喚木腸兒脚扣兩舷歌小海

次韻蘇公西湖徙魚

黃魯直

窮秋積雨不被塊霜落西湖沙露背大魚泣蟠小魚樂高立覆  
杯水如帶魚窮不作搖尾憐公寧忍口不忍鱸修鱗失水玉參  
差晚日搖光金破碎咫尺波濤有生死安知平陸無灘瀨此身  
寧供刀几用着意更須風雨外是間相忘不爲小濠上之意誰  
得會枯魚鮓泣悔何及莫待西江與東海

又次韻

赤手取魚如拾塊布網鳴弦攻腹背豈知激濁與清流恐懼駢  
頭牽翠帶居士仁心到魚鳥會有微生化餘鱸吳都賦注越王  
鱸魚未盡因其半棄之爲魚遂無一面名曰比目寧容網目  
漏吞舟誰能烹鮮作奇碎我亦江湖釣竿手誤逐輕車從下瀨  
公孫賓爲輕車將軍甲爲下瀨將軍生當得意落鷗邊何用封  
侯墮鳶外不如此魚今得所置身暗與神明會徑須作記戒鯨

鮑防有任公釣東海

清江曲

蘇養直

屬玉雙飛水滿塘。菰蒲深處浴鴛鴦。白蘋浦棹歸來晚。秋著蘆花兩岸霜。扁舟繫岸依林樾。蕭蕭兩鬢吹華髮。萬事不理醉復醒。長占煙波弄明月。

律詩

又魚招張功曹

韓愈

又魚春岸闊。此興在中宵。大炬燃如晝。長舡縛似橋。深窺沙可數。靜榜水無搖。刃下那能脫。波間或自跳。中鱗憐錦碎。當自訝珠銷。迷火逃翻近。驚人去暫遙。競多心轉細。得雋語時豈瀟。盤知存寡艇。平覺獲饒交。頭疑奏餌。駢首類同條。濡沫情雖密。登

門志已遼。盈軍欺故事。飼犬驗今朝。血浪凝猶沸。腥風遠更飄。蓋江煙幕幕。迴棹影寥寥。懶去愁無食。龍移懼見燒。如榮名既誤。釣渭日徒消。文客驚先賦。篙工喜盡謠。膾成思我友。觀樂憶吾僚。自可捐憂累。何須強問鵝。

淮上漁者

鄭谷

白頭波上白頭翁。家逐舡移浦浦風。一尺鱸魚新釣得。兒孫吹火荻花中。

醉著

韓渥

萬里清江萬里天。一村桑柘一村煙。漁翁醉着無人喚。過午醒來雪滿舡。

款乃曲

元結

上音靄。下音襖。

元結

千里楓林煙雨深。無朝無暮有猿吟。停機靜聽曲中意。好是雲山韶護音。

按次山集款乃曲注云。款音襖。乃音靄。湘中節歌聲洪黝。父詩話謂。款音靄。乃音襖。遂反其音。宋文公亦用此音。必有所據。

西塞山泊漁家

皮日休

白綸巾下髮如絲。靜倚楓根坐釣磯。中婦桑村挑葉去。小鬼沙市買蓑歸。雨來蓴菜流舡滑。春後鱸魚墜釣肥。西塞山前終日客。隔波相羨畫依依。

詩話

評柳子厚詩

漁翁夜傍西巖宿。曉汲清湘燃楚竹。煙銷日出不見人。欸乃一聲山水綠。回看天際下中流。巖上無心雲相逐。東坡云。詩以奇趣為宗。及常合道為趣。熟味此詩。有奇趣。然尾兩句不必亦可。冷齋詩話

釣者

羣書要語。其釣維何。維絲伊緝。召南。釣者之恭。非為魚也。墨子。以直針而為鈎。維何。魚之能得。楚辭。善釣者引魚于千仞之下。餌香也。呂氏春秋。

古今事實

一釣六鰲

事文類聚前集

卷之三十一

歸墟中有五山帝使巨鰲十五戴之五山始峙而不動龍伯國之大人一釣連六鰲於是二山流於北極列子

釣鯉得書

呂望年七十釣於渭濱三日三夜魚無食者與農人言農人者古之先賢人也謂望曰子將復釣必細其綸芳其餌徐徐而投之無冷魚駭望如其言初下得鮒次得鯉剗腹得書書文曰呂望封於齊望知當貴藝文類聚

漁釣奸周

呂尚窮困年老以漁釣奸周西伯西伯將獵卜之曰所獲非龍非虜非虎非雉所獲霸王之輔西伯獵果遇太公於渭之陽與語大悅曰自吾先君太公望子父矣故號太公載與俱立以為

師史

釣得玉璜

周文王至磻溪見呂望文王拜之尚曰望釣得玉璜刻曰周受命呂佐尚書大傳太公釣於慈泉在磻溪呂氏春秋

以豚餌鮒

子思居衛衛人釣於河得鮒魚焉其大盈車子思問之曰鮒魚難得者子如何得之對曰吾一釣垂一鮒之餌鮒過而弗餌更以豚之半鮒則吞之子思曰鮒雖難得食以死餌士雖懷道食以死祿孔叢子

釣而不綱

子釣而不綱世

事文類聚前集

任公大鈞

任公子為大鈞巨緇五十犗以為餌蹲乎會稽投竿東海且  
而釣期年不得魚已而大魚食之牽巨鈞鎗沒而下驚揚而奮  
鬚曰波若山海水震蕩聲侔鬼神憚赫千里任公子得若魚離  
而腊之自淞河以東蒼梧以北莫不厭若魚者已而後世輕才  
諷說之徒皆驚而相告也夫揭竿累趨灌瀆守鯢鮓其於得大  
魚難矣飾小說以干縣令其於大達亦遠矣是以未嘗聞任氏  
之風俗其不可與經於世亦遠矣在外物

粒餌得魚

詹何楚人也以獨繭絲為綸芒針為鈞剖粒為餌於百仞之泉  
引盈車之魚列子

羊裘垂釣

後漢嚴光字子陵少與光武同遊太學及帝即位光隱身不見  
帝令物色訪之後齊國言有二男子披羊裘釣澤中帝疑其光  
備禮聘之詳見隱逸

煙波釣徒

張志和居江湖自稱煙波釣徒者玄真子以自號垂釣不設餌  
志不在魚也本傳

坐上釣鱸

左慈字元旅廬江人少有神道嘗在曹公坐公曰今日高會珍  
羞畧備所少者吳江鱸魚為鱸耳元旅曰此可得也因求銅盤  
貯水以竿解釣釣於盤中須臾引一鱸魚出會者皆驚

古今文集

律詩

獨釣

韓愈

侯家林館勝，偶入得垂竿。曲樹行藤角，平池散芡盤。羽沉知食  
駛，縉細覺牽難。聊取夸兒女，榆條繫從鞍。

又

獨往南塘上，秋晨景氣醒。露排四岸草，風約半池萍。鳥下見人  
寂，魚來聞餌馨。所嗟無可召，不得倒吾瓶。

溪興

杜荀鶴

山雨溪風卷釣絲，尾甌蓬底獨斟時。醉來睡着無人喚，流下前  
溪也不知。

釣臺

黃魯直

平生久要劉文叔，不肯為渠作三公。能冷漢家重九鼎，桐江波  
上一絲風。

釣翁

鄭谷

來往煙波非定居，生涯篋笠定無餘。閑垂兩鬢任如鶴，祗把一  
竿時釣魚。月浦扣舷歌皎潔，雨篷隈岸卧蕭疎。行人誤話金張  
貴，笑指北坵丘與墟。

詩話

評釣舟

范希文贈釣者詩云：江上往來人，盡愛鱸魚美。君看一葉舟，出  
沒風濤裏。又觀杜詩云：一棹輕如葉，傍觀亦損神。他時在平地。

事文類聚前集

卷之三十一

十一

無忽險中人二詩雖同而意各有寓文酒清話

### 獵者

羣書要語春獵為蒐夏獵為苗秋獵為獮冬獵為狩郭璞注蒐為搜索取不任者苗為苗稼除害獮為順殺氣狩謂得獸取之無所擇皆為田除害之義爾雅古者天子諸侯無事則歲三田一為乾豆二為賓客三為充君之庖無事而不田曰不敬田不以禮曰暴天物天子不合圍諸侯不掩群獮祭魚然後漁入澤梁豺祭獸然後田獵鳩化為鷹然後設網羅草木零落然後入山林昆虫未蟄不以火田不麋不卵不殺胎不殀天不覆禮記曰季冬之月天子乃教田獵以習五戎

### 古今事實

蒐田以時

文王蒐田以時仁如騶虞則王道成也

發犯殪兕

宣王既張我弓既挾我矢發彼小豝殪此大兕

西狩獲麟

魯哀公西狩于大野叔孫氏之車子鉏商獲麟以為不祥以賜虞人仲尼觀之曰麟也然後取之

袒裼暴虎

鄭太叔袒裼暴虎獻于公所將于無袒戒其傷女

因獵聞諫

梁君出獵見白鴈群下穀弩欲射之道有行者梁君謂行者止行者不止白鴈群駭梁君怒欲射行者其御公孫龍止之梁君怒曰龍不與其君而顧他人對曰昔宋景公時大旱卜之必以入祠乃雨景公下堂頓首曰吾所以求雨為民也今必使吾以入祠乃雨將自當之言未卒而大雨何也為有德於天而惠於民也君以白鴈故而欲射殺人無異於豺狼也梁君乃與龍上車歸呼萬歲曰樂哉人獵皆得禽獸吾獵得善言而歸莊子

放鷹與母

孟孫獵得麀使西秦巴持之其母隨而呼之西秦巴不忍而與其母孟孫適至求麀對曰余不忍而與其母孟孫大怒逐之居三月復召為其子傅曰夫子不忍麀又且忍吾子乎韓子

不失獵期

魏文侯與虞人期獵且以飲酒樂天雨文侯將出左右曰今日飲酒樂天雨君將焉之文侯曰吾與虞人期獵雖樂豈不一會期哉乃往自罷之魏於是始強戰國策

跪遇獲禽

昔者趙簡子使王良與嬖奚乘終日而不獲一禽嬖奚又命曰天下之賤士也或以告王良良曰請復之強而後可一朝而獲十禽

馮媛當熊見熊門

諫帝射雉見雉門

以兎從獵



事文類聚卷之三十一  
孫盛為庾公記室參軍從獵將其第三兒齊莊俱行庾公不知  
忽於獵場見齊莊時七八歲庾公謂曰小兒亦復來乎應聲答  
曰所謂無不無天從公于邁矣

拔猛獸箭

晉栢石度小字鎮惡在荊州於獵園中見猛獸被數箭而伏諸  
將素知其勇戲令拔箭石度因急往拔得一箭猛獸跳石度亦  
跳高於猛獸獸伏復拔一箭而歸從栢温入關威震敵人時有  
病瘡者謂栢石度求以怖之多愈

豕突帝馬

唐太宗獵於洛陽苑有群豕突出林中上引弓四發殪四豕有  
豕突前及馬鎗民部尚書唐儉投馬搏之上笑曰天策長史不

見上將擊賊耶何懼之甚對曰陛下神武豈復逞雄心於一獸  
乎上大詔為之罷獵

匿鷄于懷見鷄門

田獵懼諫

憲宗嘗田苑中至蓬萊池曰李絳嘗以此諫我今可返也帝嘗  
獵苑中或大張樂稍過差必視左右曰韓休知否已而疏輒至  
不可不獵

唐單王元吉喜鷹狗出嘗載罝網三十車曰我寧三日不食不  
可一日不獵本傳

古今文集

雜著

事文類聚卷之三十一

卷之三十一

十一

子虛賦

司馬相如

楚使子虛使於齊齊主悉發境內之士備車騎之衆與使者出  
 畋畋罷子虛過訖烏有先生而亡是公存焉坐定烏有先生問  
 曰今日畋樂乎子虛曰樂獲多乎曰少然則何樂曰僕樂王之  
 欲誇僕以車騎之衆而僕對以雲夢之事也曰可得聞乎子虛  
 曰可王車駕千乘選徒萬騎畋於海濱列卒滿澤罟網彌山掩  
 兔麟鹿射麋格麟鷲於鹽浦割解染輪射中獲多矜而自功顧  
 謂僕曰楚王之獵孰與寡人僕對曰臣聞楚有七澤嘗觀其二  
 未見其餘也臣之所見蓋特小小者耳名曰雲夢雲夢者方九  
 百里其中有山焉其山則盤紆拂鬱岑峯參差日月蔽虧交錯  
 亂紛上干青雲龍蛇陂陁下屬江河其東則有蕙圃衡蘭菹若

射干芎藭葛蒲茝離麋蕪其南則有平原廣澤登降施靡案衍  
 壇曼緣以大江限以巫山其高燥則生葳蕤苞荔薜荔青蘋其  
 卑濕則生藏蓂蒹葭東藩彫胡蓮藕菰蘆其西則有涌泉清池  
 激水推移外發芙蓉菱華內隱巨石白沙其中則有神龜蛟鼉  
 毒瑁鼈鼉其北則有陰林巨樹梗柎豫章桂板木蘭檠離朱楊  
 其上則有鴛鴦孔鸞騰遠射干其下則有白虎玄豹蝮蛇狸狌  
 楚王乃駕馴駁之駟乘雕玉之輿曳明月之珠旌建千將之雄  
 戟左烏號之虜弓右夏服之勁箭陽子騫乘熾阿爲御案節未  
 舒即陵狡獸蹙蹙躡距虛軼野馬轉鞬駮乘遺風射游騏弓  
 不虛發中必決眦洞肖達掖獲若再獸於是楚王乃彌節徘徊  
 翱翔容與鄭女曼姬被阿緡投紵編雜織羅垂霧縠飛穢垂鬋

扶輿猶靡錯翡翠之歲蕤繆繞玉綬眇眇忽忽若神仙之髣髴  
於是乃相與徠於蕙圃嬰姍勃窣而上乎金隄掩翡翠射駿驥  
息而後發遊于清池浮文鷁揚旌柁張翠帷建羽蓋網瑇瑁釣  
紫貝縱金鼓吹鳴籟榜人歌聲流鳴水蟲駭波鴻沸涌泉起奔  
物會磊石相擊硠硠磕磕若雷霆之聲聞乎數百里之外於是  
楚王登陽雲之臺泊乎無爲澹乎自持不若大主終日馳騁曾  
不下輿臣竊觀之齊殆不如烏有先生曰是何言之過也且齊  
東渚巨海南有琅邪觀乎成山射乎之粟浮渤海遊孟諸邪與  
肅慎爲鄰右以湯谷爲界秋田乎青丘徬徨乎海外吞若雲夢  
者八九於其胷中曾不帶芥然在諸侯之位不敢言遊戲之樂  
苑囿之大先生又見客是以王詞不復何爲亡以應哉

上林賦

司馬相如

亡是公忻然而笑曰楚則失矣而齊亦未爲得也夫使諸侯納  
貢者非爲財幣所以述職也封疆畫界者非爲守禦所以禁淫  
也今齊列爲東藩而外私肅慎捐國踰限越海而田其於義固  
未可也且夫二君之論不務明君臣之義正諸侯之禮徒事爭  
遊戲之樂苑囿之大欲以奢侈相勝荒淫相越此不可以揚名  
發譽而適足以貶君自損也且夫齊楚之事又焉足道乎君未  
覩夫巨麗也獨不聞天子之上林乎左蒼梧右西極丹水更其  
南紫淵經其北終始灞漭出入涇渭鄠鎬潦滴紆餘委蛇經營  
乎其內蕩蕩乎八川分流相背而異態東西南北馳騫往來出  
乎椒丘之闕行乎洲於之浦經乎桂林之中過乎泱泱之壑洎

乎混流順阿而下赴隘隘之口觸穹石激堆埼沸乎暴怒洄涌  
 彭湃滄溟必泊偏側泌滴橫流逆折轉騰激冽滂鼻沆漑穹隆  
 雲憊宛渾膠盪踰波趨滄在蒼下瀨批巖衝擁奔揚帶沛臨砥  
 注壑濛濛霄墜沈沈隱隱砰磅訇磕滴瀝淅淅淅淅淅淅淅淅  
 跳洙汨濤漂疾悠遠長懷寂寥無聲肆乎未歸然後灑灑漢漾  
 安翔徐回蒿乎滴瀉東注太湖衍溢陂池於是乎蛟龍赤螭鮪  
 鱗漸離鰓鰓鯁鮓禺禺鮓鮓捷鱗掉尾振鱗奮靈潛處乎深巖  
 魚鼈謹聲萬物衆夥明月珠子的皪江靡蜀石黃磬水玉磊砢  
 磷磷爛爛采色滂沱叢積乎其中鴻鵠鵠鵠駕鷺屬玉交精旋  
 日煩鶯庸渠箴疵鷓盧群浮乎其上沈滌泛濫隨風澹淡與波  
 搖蕩掩薄水渚暖藻普藻咀嚼菱藕於是乎崇山矗矗巖巖從山隸

魏深林巨木嶄巖參差九峻截嶽南山峩峩巖陲嶺維峩峩  
 崎振溪通谷寒產溝澗谿呀豁開阜陵別鳴歲魄嶮嶮丘虛堀  
 畧隱轉鬱鬱登降施靡陂池獬豸沉落岳巖散渙夷陸亭臯于  
 里靡不被繁揜以綠蕙被以江蘿糝以麋蕪雜以留夷布結綵  
 攢戾莎揭車蘅蘭稟本射干此薑蕞荷歲橙若孫鮮支黃欒蔣  
 苕吉蘋布濩閑澤延蔓太原離靡廣衍應風披靡吐芳揚烈郁  
 郁菲菲衆香發越彤罌布寫晡菱必第於是乎周覽泛觀續紛  
 軋荔芒芒怵怵視之無端察之無崖日出東沼入乎西陂其南  
 則隆冬生長涌水躍波其獸則獮旄獬犖沈牛塵麋赤首罔題  
 窮奇獸名象犀其北則盛夏含凍裂地冰水揭河其獸則麒麟  
 角端駟騶臺馳蚤蚤驪駃騠驢羸於是乎離宮別館彌山跨

谷高廊四注重坐曲閣華棖壁璫輦道纒屬步欄周流長途中  
宿夷峻築堂累臺增成巖窈洞房俯杳眇而無見仰攀擦而捫  
天奔星更於闐闐宛虹地於楯軒青龍蚴蟉於東廂象輿蛟蟠  
於西清靈園燕於間館倅佳之倫暴於南榮醴泉涌於清室通  
川過於中庭盤石振崖欽巖倚傾嵯峨嶙嶙刻削崢嶸玫瑰碧  
琳珊瑚叢生璿玉旁唐玢珣文鱗赤瑕駁雜重其間晁采琬  
琰和氏出焉於是乎盧橘夏熟黃甘橙棣枇杷檉栳柰厚朴  
枏棗楊梅櫻桃葡萄隱夫莫棣谷速離支羅乎後宮列于北園  
馳丘陵下平原揚翠葉杙紫莖發紅華垂朱榮煌煌扈扈照曜  
鉅野沙棠檉檉華楓杙櫨留落胥邪仁頻并閭櫨檀木蘭豫章  
女貞長千尺大連抱奔條直暢實葉後楸橫立叢倚連卷櫨危

灌錯發飀坑衙間砌垂條扶踈落英幡纒紛溶劄葵嶺從風  
瀾溢卉歛蓋象金石之聲管籥之音侏池莊虎旋還乎後宮雜  
襲繁韜被山綠谷循坂下隰視之無端究之無窮於是乎玄後  
素雌雌復飛蠅蛭蝟蠖獮獮胡穀蛻棲息乎其間長嘯哀鳴翩  
蟠互經夭矯枝格猥蹇杪顛踰絕梁騰殊榛捷垂條掉希間牢  
落陸離爛熳遠遷若此者數百千處娛游徃來宮宿館舍庖厨  
不徙後宮不移百官備具於是乎皆秋涉天子校獵乘銜象  
六玉虬拖蜺旌靡雲旗前皮軒後道游孫叔奉轡衛公參乘扈  
從橫行出乎四校之中鼓嚴鐻縱獠者江河為陸泰山為槽車  
騎雷起殷天動地先後陸離離散別追遙遙裔裔綠陵流澤雲  
布雨施生貔豹搏豺狼手熊罷足羶羊蒙鷓蘇絳白虎被斑文

跨壁馬凌三峻之危下積歷之坻徑峻赴險越壑厲水推飛廉  
弄獬豸格蝦蛤鉞猛氏羅腰裏射封豕箭不若害解脰陷腦弓  
不虛發應聲而倒於是乎乘輿彌節徘徊翺翔往來睨部曲之  
進退覽將帥之變態然後侵淫促節儵忽遠去流離禽楚履  
猛獸轉白鹿捷狡兔軼赤電遺光耀追怪物出宇宙鬱蕃弱滿  
鵬羽射游臬標飛遽擇肉而後發先中而命虜眩失分藝殪化  
然後揚節而上浮凌驚風歷駭衆乘虛無與神俱躡玄鶴亂昆  
鵬道孔鸞從鷓鴣拂翳鳥指鳳凰捷鷓鴣揜焦朋道盡塗殫迴  
車而還招搖乎僕佯降集乎北紘率乎直指攏乎反鄉歷石間  
歷封巒過鷓鴣望露寒下棠梨息宜春西馳宣曲灌鶴牛首登  
龍臺掩細柳觀士大夫之勤畷玃獵者之所得獲徒車之所轡

轡步騎之所蹂躪入臣之所蹈藉與其窮極倦欲驚憚讐伏不  
被割刃怖而死者他他藉藉填阡溝谷掩平彌澤於是乎游戲  
懈怠置酒乎顛天之臺張樂乎膠葛之寓撞千石之鍾立萬石  
之簷建翠華之旗樹靈鼉之鼓奏陶唐氏之舞聽葛天氏之歌  
千人倡萬人和山陵爲之震動川谷爲之蕩波巴渝宋蔡淮南  
千遞文成頭歌族居逝奏金鼓迭起鏗鎗闐鞀洞心駭耳荆吳  
鄭衛之聲韶濩武象之樂陰淫案衍之音鄢郢繽紛激楚結風  
俳優侏儒狄鞮之倡所以娛耳目樂心意者麗靡爛熳於前靡  
曼羨色於後若夫青琴宓妃之徒絕殊離俗妖冶媚都靚粧刻  
飾便嬛綽約柔橈嫋嫋嫋媚嬌弱曳獨爾之褊裒錫鬋以卹  
削便嫺斂膚與俗殊服芬芳漚鬱酷烈淑郁皓齒燦爛宜笑的

曹文選前集

樂長眉連娟微睨縣貌色授魂與心愉於側於是酒中樂酣天  
子茫然而思似若有亡曰嗟乎此大奢侈朕以覽聽餘間無事  
棄曰順天道以殺伐時休息於此恐後葉靡麗遂往而不返非  
所以為繼嗣創業垂統也於是乎乃解酒罷獵而命有司曰地  
可墾闢悉為農郊以贍萌隸頽墻填塹使山澤之人得志焉實  
陂池而勿禁虛宮館而勿仞發倉廩以救貧窮補不足恤鰥寡  
存孤獨出德號省刑罰改制度易服色革正朔與天下為更始  
於是歷吉日以齋戒襲朝服乘法駕建華旗鳴玉鑾游乎六藝  
之囿馳驚乎仁義之塗覽觀春秋之林射狸首兼驅虞弋玄鶴  
舞千戚載雲罕揜羣雅悲伐檀樂去樂胥脩容乎禮園朝翔乎  
書圃述易道放怪獸登明堂坐清廟次羣臣奏得失四海之內

靡不受獲於斯之時天下大悅向風而聽隨流而化勃然興道  
而遷義刑錯而不用德隆於三王而功羨於五帝若此故獵乃  
可喜也若夫終日馳騁勞神苦形罷車馬之用抗士卒之精費  
府庫之財而無德厚之恩務在獨樂不顧眾庶忘國家之政貪  
雉兔之獲則仁者不繇也從此觀之齊楚之事豈不哀哉地方  
不過千里而囿居九百是草木不得墾闢而民無所食也夫以  
諸侯之細而樂萬乘之後僕恐百姓被其尤也於是二子愀然  
改容超若自失逡巡避席曰鄙人固陋不知忌諱乃今日見教  
謹受命矣

羽獵賦 并序

楊雄

孝成帝時羽獵雄從以為昔在二帝三王宮館臺榭沼池苑囿

博學文類彙編

林麓藪澤財足以奉郊廟御賓客充庖厨而已不奪百姓膏腴  
穀土桑柘之地女有餘布男有餘粟國家殷富上下交足故其  
露零其庭醴泉流其唐鳳凰巢其樹黃龍遊其沼麒麟臻其囿  
神爵棲其林昔者禹任益虞而上下和草木茂成湯好田而天  
下用足文王囿百里民以為尚小齊宣王囿四十里民以為泰  
大裕民之與奪民也武帝廣開上林東南至宜春鼎湖御宿昆  
吾傍南山西至長楊五柞北繞黃山濱渭而東周袤數百里穿  
昆明池象滇河營建章鳳闕神明馭安漸臺太液象海水周流  
方丈瀛洲蓬萊遊觀侈靡窮妙極麗雖頗割其三垂以贖齊民  
然至羽獵甲車戎馬器械儲侍禁籞所營尚泰奢麗誇譎非堯  
舜成湯文王三驅之意也又恐後世復脩前好不折中以泉臺

故聊因校獵賦以風之其辭曰或稱義農豈或帝王之彌文哉  
論者云否各亦並時而得宜奚必同條而共貫則泰山之封焉  
得七十而有二儀是以創業垂統者俱不見其爽遐邇五三孰  
知其是非遂作頌曰麗哉神聖處於玄宮富既與地乎侔嘗貴  
正與天乎比崇齊相魯不足使扶輶楚嚴未足以為驟乘狹三  
王之阨僻矯高舉而大興歷五帝之寥廓涉三皇之登閔建道  
德以為師友仁義與之為朋於是玄冬季月天地隆烈萬物摧  
輿於內殂落於外帝將推田于靈之囿開北垠受不周之制以  
終始顛頊玄冥之統乃詔虞人典澤東延昆鄰西馳閭闔儲積  
共待戍卒夾道斬叢棘夷野草禦自汧渭經營鄠鎬章皇周流  
出入日月天與池沓爾廼虎路三峻以為司馬圍經百里而為



殿門外則正南極海邪界虞淵鴻濛沆茫碣以崇山營谷圍會  
然後先置乎白楊之南昆明靈沼之東賁育之倫蒙首負羽杖  
鎮鄣而羅者以萬計其餘荷垂天之畢張竟壑之罟靡日月之  
朱竿曳等星之飛旗青雲爲紛虹蜺爲纒屬乎崑崙之墟渙若  
天星之羅浩如清水之波淫淫與與前後要遮攬槍星名爲圍  
明月爲侯熒惑司命天弧發射鮮扁陸離駢行似路微車輕武  
鴻絢縵獵殷殷軫軫被陵綠吸窮奧極遠者相與列乎高原之  
上羽騎營營分殊事續紛往來輻輳不絕若光若滅者布乎  
青林之下於是天子乃以陽晷始出乎玄宮撞鴻鐘建九旒六  
白虎載靈輿蚩尤並轂蒙公先驅立歷天之旗曳稍星之旒霹  
靂烈缺吐火施鞭萃從沈溶淋離廓落戲八鎮而開關飛廉雲

師吸噀瀟率鱗羅布列攢以龍翰啾啾踰躅入西園切神光望  
乎樂徑竹林蹂蕙圃踐蘭唐舉烽烈火轡者施技方馳千駟狡  
騎萬師虓虎之陳從橫膠輅焮拉雷厲驥驂駘駘洶洶旭旭天  
動地吸羨漫半散蕭條數千里外若失壯士抗慨殊鄉別趣東  
西南北騁奢奔欲拖蒼豨跋犀犖蹶浮塵斷巨挺搏玄猿騰空  
虛距連卷踔天踦嬉間間莫莫紛紛山谷爲之風焮林叢爲之  
生塵及至獲夷之徒蹶松柏掌羨藜獵蒙籠輕飛履般首帶  
脩蛇鈎赤豹牽象犀躡巒阮超唐吸車騎雲會登降閭藹泰華  
爲旒熊耳爲綴木什山還漫若天外儲與乎大浦聊浪乎宇內  
於是天清日晏逢蒙列昔羿氏控弦皇車幽輅光純天地望舒  
彌轡翼乎徐至於上蘭移圖徙陣浸淫楚部曲隊堅重各案行

每八類身身 卷之三十一 三十一

伍壁壘天旋神扶電擊逢之則碎近之則破鳥不及飛獸不得  
 過軍驚師駭刮野掃地及至罕車飛揚武騎聿皇躡飛豹躡  
 陽追天寶出丁方應駢聲擊流光野盡山窮囊括其雌雄沈沈  
 溶溶遙喙乎絃中三軍茫然窮穴闕與直觀夫剽禽之繼踰岸  
 兕之抵觸熊羆之拏攫虎豹之凌遽徒角槍題注蹙竦驚怖魂  
 亡鬼失觸輻闕脰妄發期中進退履獲創活輪夷丘累陵聚於  
 是禽殫中衰相與集於靖冥之館以臨珍池灌以岐梁溢以江  
 河東瞰目盡西暢上涯隋珠和氏焯爍其波玉石鑿空眩耀青  
 燄漢女水潛怪物暗冥不可殫形玄鸞孔雀翡翠垂榮王睢關  
 又鴻鴈嚶嚶群嬉乎其中噍噍昆明見鷺振鷺上下砰磕聲若  
 雷霆乃使文身之伎水格鱗虫凌堅冰犯嚴淵探巖排澗薄索

蛟螭躡獮獺據窟鼉祛靈蟻入洞穴出蒼梧乘鉅鱗騎鯨魚浮  
 彭蠡日有虞方推夜光之流離剖明月之胎珠鞭洛水之宓妃  
 餉屈原與彭胥於茲乎鴻生鉅儒俄軒冕雜衣裳脩唐典匡雅  
 頌揖讓於前昭光振耀響忽如神仁聲惠於北狄武誼動於南  
 鄰是以旃裘之王胡貉之長移珍來享抗手稱臣前入圍口後  
 陳廬山群公常伯楊朱墨翟之徒喟然並稱曰崇哉乎德雖有  
 唐虞太夏成周之隆何以後茲夫古之觀東嶽禪梁基舍此世  
 也其誰與哉上允謙讓而未俞也方將上獵三靈之流下夾醴  
 泉之滋發黃龍之穴窺鳳凰之巢臨麒麟之囿幸神雀之林奢  
 雲夢侈孟諸非章華是靈臺罕徂離宮而輟觀遊土事不飾水  
 功不彫丞音拯人乎農桑勸之以弗怠儉男女使莫違恐貧窮

者不徧被洋溢之饒開禁苑散公儲創道德之囿弘仁惠之虞  
馳弋乎神明之囿覽觀乎群臣之有亡放雉兔收且粟麋鹿蕩  
蕘與百姓共之蓋所以臻茲也於是醇洪苞之德豐茂世之規  
加勞三皇昂勤五帝不亦至乎乃祇莊雍穆之徒立君臣之節  
崇賢聖之業未遑死囿之麗遊獵之靡也因迴軫還衡背阿房  
反未央

長楊賦

楊雄

明年上將大誇胡人以多禽獸秋命右扶風發民入南山西自  
褒斜東至弘農南歐漢中張羅網罟罟捕熊羆豪猪虎豹狢獲  
狐兔麋鹿載以檻車輸長楊射熊館以網為周陸縱禽獸其中  
令胡人手縛之自取其獲上親臨觀焉是時農民不得收斂雄

從至射熊館還上長楊賦聊因筆墨之成文章故藉翰林以為  
主人子墨為客卿以諷其辭曰  
子墨客卿問於翰林主人曰蓋聞聖主之養民也仁霑而恩洽  
動不為身今年獵長楊先命右扶風左太華而右褒斜核截樺  
而為弋紆南山以為罝羅千乘於林莽列萬騎於山隅帥軍踣  
阨錫戎獲胡搃熊羆拖豪猪木擁槍纍以為儲胥此天下之窮  
覽極觀也雖然亦頗擾于農人三旬有餘其墮至矣而功不圖  
恐不識者外之則以為娛樂之游內之則不以為乾豆之事豈  
為民乎哉且人君以玄默為神澹泊為德今樂遠出以露威靈  
數搖動以疲車甲本非人主之急務蒙竊惑焉翰林主人曰吁  
客何謂茲耶若客所謂知其未觀其一見其外不識其內也

事類彙編 卷之三十一  
僕嘗倦談不能一二其詳請畧舉其凡而客自覽其切焉客曰  
唯唯主人曰昔有彊秦封豕其土竄竄其民齧齒之徒相與磨  
牙而爭之豪俊康沸雲擾羣黎爲之不康於是上帝眷顧高祖  
高祖奉命順斗極運天關橫巨海漂崑崙提劍而叱之所過摩  
城擄邑下將降旗一曰之戰不可殫記當此之勤頭蓬不暇梳  
饑不及餐鞮生蟣虱不自被霑汗以爲去萬姓請命乎皇天  
迺展人之所屈振人之所乏規億載恢帝業七年之間而天下  
密如也逮至聖文隨風乘流方垂意於至寧躬服節儉綈衣不  
弊革鞜不穿大廈不居水器無文於是後宮賤瑋瑁而疏珠璣  
却翡翠之飾除雕琢之巧惡麗靡而不近斥芬芳而不御抑止  
絲竹宴衍之樂擅聞鄭衛幻眇之聲是以玉衡正而太階平也

其後熏鬻作虐東夷橫叛羌戎睚眦閩越相亂遐氓爲之不安  
中國蒙被其難於是聖武勃怒爰整其旅乃命驃衛汾沅沸渭  
雲合電發焱騰波流機駭蠶軼疾如奔星擊如震霆碎輶輻破  
穹廬腦沙幕隨余吾遂躡乎王庭驅橐駝燒蜺蠶分黎單于磔  
裂厲國夷抗谷拔鹵莽刑山石蹂屍輿斯係累老弱吮鋌痲膏  
金鏃淫夷者數十萬人皆稽顙樹頌扶服蛾伏二十餘年矣尚  
不敢惕息夫天兵四臨幽都先加回戈邪指南越相夷靡節西  
征羌襲東馳是以遐方䟽俗殊鄰絕黨之域自上仁所不化茂  
德所不綬莫不踴足抗首請獻厥珍使海內澹然永亡邊城之  
災金革之患今朝廷純仁遵道顯義并包書林聖風雲靡英華  
沈浮洋溢八區普天所覆莫不沾濡士有不談王道者則樵夫

笑之意者以為事罔隆而不殺物廢盛而不虧故平不肆陸安  
不恣危乃時以有年出兵整輿竦戎振師五柝習馬長拂簡刀  
狡獸校武票食乃萃然登南山瞰烏弋西壓月窟東震日域又  
恐後代迷於一時之事常以此為國家之太務淫荒田獵陵夷  
而不禦也是以車不安軻日未靡旃從者彷彿駝屬而還亦所  
以奉太尊之烈遵文武之度復三主之田反五常之慮使農不  
輟耰工不下機婚姻以時男女莫違出愷愷行簡易矜劬勞休  
力後見百年存孤弱帥與之同苦樂然後陳鍾鼓之樂鳴鞀磬  
之和建碣磬之厲長擊鳴球掉八列之舞酌允鑠希樂昏聽廟  
中之雍容受神人之福祐歌投頌吹合雅其勤若此故真神之  
所勞也方將俟元符以禪梁父之基增泰山之高延光于將來

比榮乎往號豈徒欲淫覽浮觀馳騁杭稻之地周流梨粟之林  
蹂躪芻蕘誇詡衆庶盛狃獲之收多麋鹿之獲哉且盲者不見  
咫尺而離婁燭千里之隅客徒愛胡人之獲我禽獸曾不知我  
亦已獲其王侯言未卒墨客降席再拜稽首曰大哉體乎允非  
小人之所能及也迺今日發矇廓然已昭矣

律詩

觀獵

王維

風勁角弓鳴將軍獵渭城草枯鷹眼疾雪盡馬蹄輕忽過新豐  
市還歸細柳營回看射鴈處千里暮雲平

觀獵

張祐

曉出鳳城東分圍淺草中紅旗開向日白馬驟迎風背手抽金

事類彙編卷之三十一

鑛翻身控角方萬人齊指處一鴈落寒空

Small vertical columns of text, likely bleed-through from the reverse side of the page.

新編古今事文類聚前集卷之三十八

建安 祝穆 和父 編

金陵 唐富春 子和 刊

技藝部

醫者 藥附

羣書要語 醫師掌醫之政令聚毒藥以共醫事歲終則稽其醫事十全為上十失一次之十失四為下周禮齊高疆曰三折肱知為良醫定十三人而無恒不可以作巫醫子路醫不三世不服其藥 曲禮

藥君有疾飲藥臣先嘗之親有疾飲藥子先嘗之 曲禮 若藥弗

事類彙編前集 卷之三十八

事類彙編 卷之三十六  
瞑眩厥疾弗瘳 尚書 食豆令人重榆令人瞑合歡蠲忿萱草忘憂 稽康養生論

詩句老醫迷舊疾朽藥誤新方 耿津 與其病後求良藥不若病前能自防 康節

古今事實

神農嘗藥

神農使歧伯嘗味草木典醫療疾今經方本草之書咸出焉 紀

鴻術為醫

巫咸以鴻術為帝堯之醫 郭璞賦序

扁鵲善醫

扁鵲兄弟三人善醫魏文侯問曰子兄弟三人孰最善對曰長兄視色故名不出家仲兄視毫毛故名不出門鵲鍼人血脉教人毒藥故名聞諸侯 鴈冠子

扁鵲論病

扁鵲見齊相侯曰君有疾在腠理不治將深相侯曰寡人無疾後五日復見曰君有疾在血脉不治將深後五日復見曰君有疾在腸胃間不治將深後五日望見相侯退走曰疾居腠理湯熨之所及也在血脉鍼石之所及也在腸胃酒醪之所及也其在骨髓雖司命無柰之何今在骨髓臣是以無請也後五日相侯病召扁鵲扁鵲已逃去相侯遂死使聖人預知微能使良醫蚤從事則疾可已也故病有六不治驕恣不論於理一不治也

輕身重財一不治也。衣食不能適三不治也。陰陽并藏氣不定四不治也。形羸不能服藥五不治也。信坐不信醫六不治也。扁鵲過邯鄲聞貴婦人即為帶下醫過雒陽聞周人愛老人即為耳目庫醫入咸陽聞秦人愛小兒即為小兒醫秦太醫令李醯自知技不如扁鵲使人刺殺之。史記

扁鵲起死

魏太子死扁鵲至魏國中庶子曰暴蹙而死扁鵲曰尚可活也庶子曰先生得無誕乎臣聞上古有俞附療病不以湯液乃割皮解肌瀦洗腸胃漱滌五臟。史記

醫和戒色

晉侯求醫於秦秦伯使醫和視之曰疾不可為也是謂近女室疾如蠱非鬼非食惑以喪志良臣將死天命不祐公曰女不可近乎對曰節之天有六氣降生五味發為五色徵為五聲淫生六疾六氣曰陰陽風雨晦明也分為四時序為五節過則為菑陰淫寒疾陽淫熱疾風淫末疾雨淫腹疾晦淫惑疾明淫心疾女陽物而晦時淫則生內執惑蠱之疾今君不節不時能無及此乎趙孟曰良醫也厚其禮而歸之。昭元

病在膏肓

晉侯疾病求醫於秦秦伯使醫緩為之未至公患疾為二豎子曰彼良醫也懼傷我焉逃之其一曰居肓之上膏之下若我何醫至曰疾不可為也在肓之上膏之下攻之不可達之不及藥不至焉不可為也公曰良醫也厚為之禮而遣之。左成上



上醫醫國

晉平公有疾秦伯使醫和視之文子曰醫及國家乎對曰上醫醫國其次疾入國醫官也國語

視見五藏

扁鵲少爲人舍長舍客長桑君過扁鵲奇之常謹遇之長桑君乃呼扁鵲語曰我有藥方年老欲傳與公乃出其懷中之藥予扁鵲飲以上池之水三十日當知物矣扁鵲以其言飲藥二十日從此視病盡見五藏癥結特以診脉爲名耳

召醫詘痔

秦王有病召醫詘痔者得車五乘也

命乃在天

漢高祖疾其皇后迎良醫醫人見上問曰疾可治否曰可治上嫚罵之曰吾命乃在天雖扁鵲何益遂不使治疾本紀

著針經

後漢郭玉廣漢人初有老父漁釣于涪水自號涪翁著針經診脉法授弟子程高高傳於玉學方診六微之技陰陽不測之術和帝時爲太醫丞仁愛不矜雖貧賤必盡其心力療貴人時或不愈帝令貴人羸服變處一針即差召玉詰狀玉曰醫言意也湊理至微隨氣用巧神存心手之間可得解而不可得言貴者處尊高以臨臣臣懷怖懾以承之其療有四難自用意而不任臣一難也將身不謹二難也骨節不能使藥三難也好逸惡勞四難也臣意猶且不盡何有於病哉此所以不愈也

醫書不傳

後漢華佗廣陵太守陳登得病佗脉之曰胃中有虫欲成内疽食腥物所致作湯二升服之吐虫三升赤頭昏動半身猶是生魚膾佗為人性惡難得意耻以醫見業曹操苦頭風召佗在左右後求歸取方因妻疾數期不反操累書呼之佗特能厭事猶不肯至操大怒殺之佗臨死出書一卷與獄吏曰此可以活人吏畏法不敢受作索火焚之

為人迎醫

張達召陶侃為主簿璩妻有疾將迎醫於數百里時正寒雪諸綱紀皆難之侃獨曰資於事父以事君小君猶母也安有父母之疾而不盡心乎乃請行眾咸服其義侃傳

醫言意

唐許胤宗善醫或勸其著書答曰醫言意也思慮精則得之吾意所解口不能宣也古之上醫病與藥值唯用一物攻之今人以精度病多其物以毒有功譬猶不知兔廣絡原野冀一人之獲術亦疎矣脉之妙處不可傳虛著方劑終無益也

饋藥不嘗

康子饋藥拜而受之曰丘未達不敢嘗

賣藥避名

後漢韓康字伯休霸陵人採藥名山賣於長安市口不二價三十餘年時有女子從康買藥康守價不移女子怒曰公是韓伯休那乃賀反乃不二價乎康歎曰我本欲避名今小女子皆知

有我何用藥為道入山中

對壘饋藥

羊祐與吳將陸抗對壘使命交通抗嘗病祐饋之藥抗飲之無疑心人多諫抗抗曰羊祐豈醜人者時談以為華元子及復見於全

服金石藥

劉無名常於東申日守三五食雄黃後見一鬼使曰我泰山直符來攝君身君頂上黃光數尺不可近得非雄黃之功乎因曰一金一石謂之丹君服其石更餌其金則黑籍落名青華定錄劉後遇青華真人授以丹訣以鈔為君以汞為臣八石為使黃牙為田韓侯金鑿記

讀藥治病

人有患應病問醫官蘇澄澄云古無方吾檢本草盡天下藥物試將讀之每發一聲腹中輒應唯至一藥再三無聲澄因處方以此藥為主其疾自除謂林

古今文集

雜著

宋清傳

柳宗元

宋清長安西都藥市人也居善藥有自山澤來者必歸宋清氏清優主之長安醫工得清藥輔其方輒易成譽清疾病疔瘍者亦皆樂就清求藥異速已清皆樂然響應雖不持錢者皆與善藥積券如山未嘗詰取直或不識遥與券清不為辭歲終度

不能報輒焚券終不復言市人以其異皆笑之曰清里安人也  
或者曰清其有道者歟清聞之曰清逐利以活妻子耳非有道  
也然謂我里安者亦謬清居藥四十年所焚券者百數十人或  
至大官或連數州受俸博其饋遺清者相屬於戶雖不能立報  
而以賒死者千百不害清之爲富也清之取利遠故大豈若小  
市人哉一不得直則怫然怒再則罵而仇耳彼之爲利不亦剪  
剪乎吾見蚩之有在也清誠以是得大利又不爲妄執其道不  
廢卒以富求者益衆其應亦廣或斥棄沉廢親與交視之落然  
者清不以怠遇其人必與善藥如故一旦復柄用益厚報清其  
遠取利皆類此吾觀今之交乎人者炎而附寒而棄鮮有能類  
清之爲者世之言徒曰市道交者嗚呼清市人也今之交有能

望報如清之遠者乎幸而廢幾則天下之窮困廢辱得不死亡  
者衆矣市道交豈可少耶或曰清非市道人也柳先生曰清居  
市不爲市之道然而居朝廷居官府居庠塾鄉黨以士大夫自  
名反爭爲之不已悲夫然則清非獨異於市人也

養生論

嵇康

神農曰上藥養命中藥養性者誠知性命之理因輔養以通也  
而世人不察惟五穀是見聲色是耽目眩玄黃耳務淫哇滋味  
煎其府藏醴醪鬻其腸胃香芳腐其骨髓喜怒悖其正氣思慮  
銷其精神哀樂殃其平粹夫以葦爾之軀而攻者非一塗易竭  
之身而內外受敵身非木石其能久乎

求醫當拜

父母疾篤醫雖賤雖少則涕泣而拜之以求哀也梁孝元在江  
州嘗有不豫世子方等親拜中兵參軍李敞焉顏氏家訓

盡告所患

蘇子瞻

脉之難明古今所病也至虛有盛候而太實有羸狀疑似之間  
便有死生之異士大夫多秘所患以求診驗醫能否使索病於  
冥漠之中辨虛實冷暖於疑似之間醫不幸而失終不肯自謂  
失也巧飾遂非以全其名間有謹愿者雖惑主人之言亦參以  
所見兩存而雜治吾平生求醫蓋於平時默驗其工拙有疾求  
療必盡告以所患使醫了然知患之所然後診之虛實冷暖先  
定于中脉之疑似不能惑也故雖中醫治吾疾常愈吾求疾愈  
而已豈以困醫為事哉仇池筆記

詩話

因病求昏

周默授宜興簿外好方藥隣有張復者妻孫氏暴病煩一切脉  
默見其妻秀艷念無計得之自其母召飲接鄰好挑之孫不對  
默念吾且少年孫亦妙齡其夫極老乃折簡述詩曰五十衰翁  
二十妻目昏髮白已頭低絳帟深處休論議天外青鸞伴未難  
孫答詩曰雨集枯池時暫綠藤籠老木一番新如今且悅目前  
景裝點亭臺隨分春每得子簡急看即毀恐彭子之惡也因醫  
之功要而取之市里庸人有不為者况士人乎默之官三年而  
歸訪之則復已死乃遣媒與孫通好娶之青瑣

守庚申

事文類聚前集

卷之三十一

道土程紫霄有朝士夜會終南太上觀拉師同守庚申師作詩曰不守庚亦不疑此心良與道相依玉皇已自知行止任汝三彭說是非芝田錄

古詩係藥

採藥

王績

野情貪藥餌郊居倦逢真青龍復一作護道符白犬遊山術要鍊戊巳月負鍾庚辛日時時斷障遮往往孤峯出行披葛仙注坐驗農皇快龜蛇採二苓赤白桑雙木地凍根難盡聚枯苗易失從容肉作名薯蕷膏成質象豐松葉酒器貯參花密且復歸去來乃圭輔衰疾

# 卜筮者

羣書要語龜曰卜者曰筮禮記古司牲主下元命包巫咸作筮

世本卜師掌開龜之兆周禮筮氏掌供燋契以侍卜事同上握

粟出卜自何能穀詩我龜既厭不我告詩卜云其吉詩初筮

告再三瀆瀆則不告蒙三人占則從二人之言洪範

古今事實

伏羲作筮

庖犧氏作始有筮古史考伏羲得神著而定皇策

筮短龜長

晉獻公欲以驪姬為夫人卜之不吉筮之吉公曰從筮筮短龜

事文類聚前集

卷之三十六

九

長不如從長左

占舟無定

孔子使子貢往外而未來謂弟子占之遇鼎皆言無下足不來  
顏子掩口而笑曰無足者乘舟而來賜至矣清朝子貢果舟至  
衡波傳

詹尹决疑

屈原往見太卜鄭詹尹曰余有所疑願因先生决之角駢

季主賣卜

司馬季主楚人賣卜於長安市宋忠賈誼謂之曰何居之卑行  
之汚季主捧腹而大笑

君平卜肆

漢嚴君平卜筮於成都市以為卜筮賤業而可以惠衆人有邪  
惡非正之問則依龜筮為言與人子言依於孝與人弟言依於  
順與人臣言依於忠各因勢導之以善從吾言已過半矣曰裁  
闕數人得百錢足自養則閉戶下簾而授老子楊雄少從游學  
數為朝廷在位賢者稱君平德李強為益州牧喜謂雄曰吾真  
得嚴君平矣雄曰君備禮以待之彼可見而不可得誰強以為  
不然至蜀致禮與相見卒不敢言以為從事乃歎曰楊子雲誠  
知人

客星犯斗見八月門

占易掘金

晉魏炤善易臨終書版授其妻曰吾亡後五年當有詔使來頓

事文類聚前集

卷之三十八

十一

占易掘金

此亭姓龔此人負吾金至期有龔使止亭中妻遂膏版責之使  
者沉吟良久而悟乃命取著筮之曰賢夫自有金在耳知吾善  
易故書版以寄意妻還掘金皆如卜焉

占其屋崩

晉淳于智能易筮譙人夏侯藻母病請智卜忽有一狐當門向  
之嗥怖藻馳見智智曰君速歸在狐嗥處拊心啼哭令家人驚  
怪大小畢出一人不出哭勿止藻如其言母亦扶病出堂屋五  
間拉然而崩

火焚青囊

郭公者客居河東精於卜筮郭璞從之受業公以青囊中書九  
卷與之門人趙載嘗竊青囊書為火所焚

錢卜

京房卜易卦以錢擲以甲子起卦

折蓍獲奴見叔門

瓦卜

神龍中西京壽安縣有墨石山神祠頗靈前有兩瓦子過客投  
之以卜休咎仰為吉覆為凶

卜遇四相

張鄧公嘗謂予曰某舉進士時與寇萊公遊相國寺請卜肆  
卜者曰二人皆宰相也既出逢張相齊賢王相隨復往請卜  
者大驚曰一日之內而有四人宰相四人相顧一笑而退因是  
卜者日消聲亦不復有人問之卒窮餓以死而四人者其後皆



爲宰相公欲爲之作傳而未能也是時鄧公已致仕猶能道其姓名今予則又忘其姓名美亦可哀也哉范蜀公蒙求

驗於事後

自至和嘉祐已來費孝先以術名天下士大夫無不作卦影而應者甚多獨王平甫不喜之嘗謂人曰占卜本欲前知而卦影驗於事後何足問耶東軒筆錄

賣卜難信

京師賣卜者唯利舉場時舉人占得失取之各有術有求且下之利者凡有人問皆曰必得士人樂得所欲競往問之有邀以後日之利者凡有人問悉曰不得下第者常過十分之七皆以謂術精而言直後舉倍獲有因此著名終身饗利者筆談

古今文集

雜著

龜筮傳叙

司馬遷

人雖賢不能左畫方右畫圓弄名善射不知雄棠塗門禹名爲辨智不能勝鬼神地柱折天故毋祿又奈何責人於全故曰日爲德君天下辱於三足之鳥月爲刑而相佐見食於蝦蟇蝟辱於鵲騰蛇之神殆於即且竹外有節理中直空虛松栢爲百木長而守門間日辰不全故有孤虛天尚不全故世爲屋不成三瓦而陳之以應之天也注蝟能制虎見鵲仰地蝟憎而惡之也騰龍屬即且似蝗食蛇腦爲屋成欠三瓦而棟之也

雜說

陸龜蒙

季札以樂卜趙孟以詩卜襄仲歸父以言卜子游子夏以威儀卜沈君氏以政卜孔成子以禮卜其應也如響無他圖在精誠而已不精誠者不能自卜况吉凶他人乎

卜論

李華

天地之大德曰生舜好生之德洽于人心五福首乎壽麟鳳龜龍謂之四靈龜不傷物呼吸元和於介蟲為長而壽古之聖者剗而脫之觀其裂書以定吉凶殘其年勦其壽既勦殘之而求其靈夫何故愚未知夫天地之心聖達之謨靈之壽之而天戮之脫其肉鑽其骸精氣復於無物而真悔發乎焦枯不其反耶夫大人與天地合其德與日月合其明與四時合其序與鬼神合其吉凶不當妄也壽而夭之豈合其德乎因物求徵豈合其

明乎壽靈介而徵其神豈合其序乎假枯骸而决狐疑豈合其吉凶乎洪範曰爾有大疑謀及卜筮聖人不當有疑於人以筮也夫祭有尸自虞夏商不變戰國蕩古法祭無尸尸之重重於卜則明廢龜可也又聞夫鑄刀劍者不成則屠夫燒而祭之被髮而哭之則成而利蓋不詳器也其神者躍為龍蛇穿木石入泉源以至發烟光聲音人不能自神因天地之氣化天下之物而為神固無悉然亦為茫古者成宮室必落之鍾鼓器械必豐之豈神明貴殺享腥膻歟今亡其禮未聞屋室不安身而器物不利用由是而言則卜筮陰陽之流皆妄作也夫絜壇墮而布精誠求福之來緬不可致耕夫蠶婦神一草木禱一禽魚鼓而舞之謂妖祥如客實歟妄歟犧文之易更周孔之述以為至

矣。揚子雲為太玄設卦辨吉凶。如易之告君使後代有如揚子雲。又為一書可筮則象數之變其可既乎。專任道德以貴之則天地之理盡矣。又焉假夫著龜乎。又焉徵夫鬼神乎。子不語是存乎道義也。

卜流不一

卜之流雜見書傳。虎卜紫姑卜牛蹄卜灼骨卜鳥卜。雖不法於著龜亦有可稱者。異苑曰。世有紫女云。是人家妾為大婦所嫉。每以穢事相役。正月十五日感激而死。故世人以其日作其形夜於廁間或猪欄邊迎之。北戶錄

# 巫者

**羣書要語**用史巫紛若吉。易司巫掌群巫之政。令若國大旱則

**帥巫而舞雩**周禮。女巫掌歲時祓除釁浴。同上。男曰巫女曰覡。

胡的及說文。南人有言曰。人而無常不可以作巫醫。語。小巫見

大巫神氣殫矣。吳張紘與陳琳論文

**詩句**詛師毒口牙舌作虜。聲符師弄刀筆。丹墨交橫揮。韓愈

雞骨占年拜水神。柳詩峒峽

## 古今事實

病忘謁巫

宋陽里華子病忘謁巫而卜之不吉。列子

魯旱焚巫。見早門

巫陽下招

帝告巫陽女巫曰有人在下我欲輔之魂魄離散汝筮予之巫陽乃下招曰魂兮歸來些宋玉招魂

知人生死

鄭有神巫曰季咸知人之死生存亡禍福壽夭期以歲月旬日若神鄭人見之皆棄而走不喜自聞死也

官中巫蠱

武帝末衛后寵衰江充用事充與太子及衛氏有隙會巫蠱事充因此為姦自言宮中有蠱氣遂至太子宮掘蠱得桐木人輔舊事云充使胡巫作而埋之

粵祠雞卜

東甌王敬鬼壽百六十歲迺命粵巫立粵祝祠而以雞卜上信

之粵祠雞卜自此始漢郊祀志

禁以年祠

第五倫拜會稽太守躬自斬芻養馬妻執炊爨會稽俗多淫祀民常以年祭神倫移書屬縣曉告百姓巫祝有依託鬼神詐怖愚民皆案論之有妄屠牛者吏輒行罰後遂斷絕

鄴令沉巫見水滸門

戒用巫覡

顏之推曰吾家巫覡符章絕於言議汝曹所見勿為妖妄家訓

王嶼類巫

王嶼為祠祭使專以祠解中帝意有所獲被大抵類巫覡置符求媚

棣王琰妃常以過置別室求巫者密置符琰履中以求媚

召巫禳厭

劉文靜家數有怪召巫夜披髮銜刀為禳厭

禁巫惑人

陳子昂上言巫鬼營惑於人者禁之

不許呼巫

李勣疾家欲呼巫不許家傳

蠻巫呪生

莆田人陳可大知肇慶府肋下忽腫起如生癰瘡狀頃刻間大如盆識者云此中排生毒也俟五更以豇豆嚼試若香其則是已狀使搗川升麻取冷熱水調一大盞服之遂洞下瀉出生葱

數莖根莖皆具瀘即消續煎平胃散調補且食白粥經旬復常  
雷州民康財妻為蠱巫林公榮用雞肉排生值商人楊一者善  
醫療與藥服之食頃吐積肉一塊剖開筋膜中有生肉存已成  
雞形頭尾皆翹悉肖似康訴于州捕林置獄而呼楊生令具疾  
證及所用藥略云凡喫魚肉瓜果湯茶皆可排初中毒覺胃腹  
稍痛明日漸加攪刺滿十日則物生能動騰上則胃痛沉下則  
腹痛積以瘦悴此其候也在胃則取之其法用熱茶一甌投  
膽礬半錢於中候礬化盡通口呷服良久以雞翎探喉中即吐  
出毒物在下則瀉之以米飲下鬱金末三錢毒即瀉下乃碾  
人參白朮末各半兩同無灰酒半升納瓶內慢火熬半日許度  
酒熟取出溫服之日一杯五日乃止然後飲食如故容齋隨筆

巫術敗酒

襄陽鄧城縣有平師能用妖術敗酒家所釀凡開酒坊者皆畏  
 奉之每歲春秋必遍謁諸坊求五年計合十餘家率各與錢二  
 十千則歲內平善巫偶因何事寤用又請一富室求益拒之甚  
 峻巫出買酒一升盛以小缶取糞汚攪雜携往林麓禹步誦呪  
 環繞數匝瘞之地乃去俄酒家列甕盡作糞臭有道士曰吾有  
 術能療但已壞者不可救耳即焚香作法半日許臭止

空齋隨筆

古今文集

雜著

荆巫

羅隱

荆楚人淫祀者舊矣有巫頗聞於鄉閭其初為大祀也延唐尋  
 常歌迎舞將祈疾者禳起祈歲者豐穰其後為人祀也羊猪鮮  
 肥清醑蒲卮祈疾得死祈歲得饑里人忿焉而思之未得適有  
 言者曰吾昔游其家也其家無甚累故為人祀誠心罄乎中而  
 福亦應乎外其昨必散之其後男女蕃息焉衣食廣大焉故為  
 入祀誠不得罄於中而神亦不歆乎外其昨且入其家是人非  
 前聖而後愚蓋牽於心而不暇及入取以一巫用心尚爾况異  
 於是者乎

急急如律令

符祝之類未有急急如律令者人以爲如飲酒之律令速去不  
 得滯也一說漢朝每行卞之書皆云如律令言非律非令之文

書行下當亦如律令故符祝有如律令之言按律令之令宜平聲讀為零律令是雷邊捷鬼此鬼善走與雷相疾速故云如此鬼之疾走也資暇

*[Faint bleed-through text from the reverse side of the page]*

新編古今事文類聚前集卷之三十九

建安 祝穆 和父 編

金陵 唐富春 子和 刊

技藝部

說相者

羣書要語龍犀日角帝王之表河目龜文公侯之相劉孝標辨亡論貴賤之表近取諸身休咎之證如指諸掌六帖有知人之鑒許邵傳

古今事實

蒼頡異相

蒼頡四目 春秋孔演圖

堯舜異相

堯眉八彩舜重瞳子 淮南子 項羽亦重瞳子 史

禹文王異相

禹耳三漏 三穴也 文王四乳 淮南子

皐陶異相

皐陶馬喙 淮南子 勾踐鳥喙 史

豐下有後

王使內史叔服來會葬公孫敖聞其能相入也見其二子焉叔服曰穀也食子難也收子穀也豐下必有後於魯國 左文元

豺狼之聲

初叔向欲娶於申公巫臣氏其母欲娶其黨叔向曰吾母多而庶鮮吾懲舅氏矣其母曰子靈之妻殺二夫一君一子而亡一國兩鄉矣可無懲乎向懼不敢取平公強使取之生伯石伯石始生子容之母走謁諸姑曰長叔妙生男姑視之及堂聞其聲而還曰是豺狼之聲也狼子野心非是莫喪羊舌氏矣遂弗視 左昭三十八

滅若敖氏

初楚司馬子良生子越椒子文曰必殺之是子也熊虎之狀而豺狼之聲弗殺必滅若敖氏矣子良不可子文以為大憾將死且泣曰鬼猶求食若敖氏之鬼不其餒而秋七月楚子與若敖氏戰于臯澣遂滅若敖氏 左宣四



貌失子羽

子路曰澹臺子羽有君子之容而行不勝其貌宰我有文雅之辭而智不充其辨孔子曰相馬以輿相士以居弗可廢已以容取人則失之子羽以言取人則失之宰予

惟不知壽

蔡澤從唐舉相曰吾聞先生相李父百日之內持國秉政有之乎曰有之澤曰若臣者何如唐舉熟視而笑曰先生昂鼻巨肩魁顏威鷄膝孳吾聞聖人不相殆先生乎蔡澤知唐舉戲之乃曰富貴吾所自有吾所不知者壽也唐舉曰先生之壽從今以往者四十三歲

貴不可言

單父人呂公善沛公避仇從之因家焉沛中豪吏聞令有重客皆往賀蕭何為主吏主進令諸大夫曰進不滿千錢坐之堂下高祖為亭長素易諸吏給曰賀錢萬貫不持一錢謁入呂公大驚起迎之門呂公見高祖狀貌因敬重之引入坐上坐蕭何曰劉李固多大言少成事酒闌呂公留高祖曰君相貴不可言臣相人多矣無如季相願季自愛臣有息女願為箕箒妾即呂后也

高祖紀

先知及相

吳王濞高祖兄仲之子也高祖立濞為吳王召濞相之曰君有反相因拊其背曰漢後五十年東南有亂豈若耶然天下同姓一家謹毋反濞曰不敢

本傳

當刑而王

黥布姓英氏。少時客相之。曰當刑而王。及壯坐法。黥布欣然而笑。曰人相我當刑而王。幾是乎。

相不當侯

李廣與望氣王朔語。曰自漢征匈奴。廣未嘗不在其中。而諸校尉才能不及中庸。以軍功取封侯者數十人。廣不為後人。然終無尺寸功。以得封邑者何也。豈吾相不當侯耶。

父子為相

常賢至太鴻臚。有相士相之。當至丞相。賢有男四人。又使相之。至第二子玄成。曰此子貴。亦當為丞相。賢曰我若為丞相。有長子在。是安得為之。賢後竟為丞相。既死而長子有罪。乃立玄成。

貴而餓死

周亞夫為河內守。許負相之。曰君後三歲而侯。侯八歲為將。相持國。秉政後九年而餓死。亞夫笑曰。既已貴如負言。又何說餓死。負指其口。曰從理入口。此餓死法也。

美則不貧

張負曰。豈有美如陳平而長貧者乎。

富而餓死

文帝使善相者相鄧通。曰當貧餓死。上曰能富通者在我。於是賜蜀嚴道銅山。得自鑄錢。景帝即位。人有告通盜出徼外鑄錢。竟案驗沒入之。寄死人家。本傳

婦人當貴

婦人當貴

漢黃霸少為游傲與善相者共載出見一婦人相者言此婦人當富貴不然相書不可用也霸推問之乃鄉里巫家女霸即取為妻與之終身霸至丞相封侯

燕領虎頭

班超行詣相者曰奈酒布衣諸生爾當封侯萬里之外超問其狀相者曰生鸞領虎頭飛而食肉此萬里侯相也

人奴封侯

漢衛青少為平陽侯家人青嘗從入至甘泉居室有二鉗徒相青曰貴人也官至封侯青笑曰人奴之生得無笞罵即足矣安得封侯事乎後為大將軍封長平侯

蜂自豺聲

王敦字處仲潘滔相之曰蜂自己露豺聲未振若小噬火亦當為人所噬

童有善相

鍾繇嘗與族父瑜至洛陽道遇相者曰此童有貴相然當厄於水行末斗里度橋馬驚墮水幾死瑜以相者言中益貴繇而供給資使專學本傳魏

不壽之相

管輅言吾額上無生骨眼中無守精鼻無梁柱脚無天根背無三甲腹無三王皆不壽之相

母知其貴

南史王敬則母為女巫常謂人曰敬則生時胞衣紫色應得鳴

鼓角人笑曰汝子得為人吹角可矣及長而兩腋下生乳各長數寸夢騎五色獅子後果然

眇目而貴

章昭達少遇相者曰卿貌甚善須永虧則當富貴太和中昭達因醉墮馬鬃角少傷昭達喜之相者曰未也侯景之亂昭達為流矢所中眇其一目相者見之曰卿相善矣不久當富貴達為司空

天日之表

太宗四歲有書生見曰龍鳳之姿天日之表年幾壯必能濟世安民

無貴相

王顯與太宗皇帝有子陵之舊每擊揮為戲將帽為歡帝微時常戲顯曰王顯抵老不作爾及帝登極而顯謁因召其二子皆授五品顯獨不及謂曰卿無貴相朕非為卿惜也房元齡謂曰陛下龍潛之舊何不試與之帝與之二品取紫袍金帶錫之其夜卒

觀友知兒

王珪始隱時與房杜善母李曰兒必貴然未知所與游者何如人試與偕來會元齡等過其家李窺大驚喜曰一客公輔才汝貴不疑

肉不稱骨

袁天綱傳帝在九成宮令視岑文本曰學堂堂夷眉過目故不

章振天下肉不稱骨非壽兆也

伏犀貫腦

袁天綱見張行成馬周曰馬君伏犀貫腦背若有骨貴驗也近世君臣相遇未有及公者然面澤赤而耳無根後骨不陰壽不長也張晚得官終位宰相

龜息必貴

袁天綱相竇軌伏犀貫玉枕當於益州立功名果然又相李暉曰睡則氣從耳出名龜息必貴

久皆得譴

袁天綱在洛陽與杜淹王珪常遊天綱謂淹曰公蘭臺學堂全且博將以文章顯謂珪法令成天地相臨不十年官五品謂

擬同如虎當以武處官然二君久皆得譴吾且見之至武德中俱以事流雋州

鸞肩火色

岑文本謂馬周鸞肩火色騰上必速恐不能久四十八歲卒

日角珠庭

李珣舉明經李絳曰日角珠庭非庸人相明經碌碌非子所宜資相福艾

唐李勣臨事選將必資相奇龐福艾者遣之人問其故答曰薄命之人不足與成功名也

領取宰相

衡岳寺有僧執役性懶而食殘號懶殘李泌異之一日往見正

撥火煨宰啖之取其半授泌曰勿多言願取十年宰相其澤謫

相在怒時

張憬滅相魏元忠久不答元忠怒曰窮通有命何預君耶拂衣去憬滅遽起曰君之相在怒時位必卿相也本傳

相天反貴

柳渾十餘歲有巫告曰兒相天且賤為浮屠可緩死諸父欲從其言渾曰去聖教為異術不若速死學愈篤後至宰相同上

陰德敘見

裴晉公質狀眇小有相者曰郎君若不至貴即當餓死一日遊香山寺有婦人以父被罪假得玉帶二犀帶一以賂津要實于欄楯忘收之而去度得而授之後見相者曰必有陰德及物前

途萬里非其所知也度果位極人臣據言

善相骨

唐貞元末相骨山人以無目故逢人即手捫之必知貴賤房次卿友勇於趨進率先訪之及出戶時後謁者盈巷觀次卿已出迎問之曰如何答曰不足言不足言且道箇杜長秀才位極人臣何必更言或有退者後杜循果帶相印鎮西蜀云太平廣記

能識居潛

見潛龍故人門

廝役皆貴

太宗召陳搏問以伐河東之事不答後師出果無功還華山數年再召謂帝曰河東之事今可矣遂克太原帝以其相人也遣詣南衙見真宗及門亟還問其故曰王門廝役皆將相也何必

見王建儲之議遂定 聞見錄

冀公貴相

王冀公欽若鄉薦赴闕張僕射齊賢時為江南漕以書薦謁錢希白易公時以才名方獨步館閣適會延一術士以考休咎不容通謁冀公局促門下因厲聲詬問人術者遙聞之謂錢曰不知何人耶若形聲相稱世無此貴者但恐形不副聲爾願邀之使某獲見希白召之冀公卑微遠人神貌踈瘦復贅於頰而舉止山野希白蔑視之術者竦然側目瞻視冀公起術人稽顙與嘆曰人中之貴有此十全者錢戲曰中堂內便有此等宰相乎術人正色曰宰相何時無此人不作則已若作之則天下康富而君臣相得至死有慶而無弔不克者但無子而已錢戲曰他

日將陶鑄吾輩乎術者曰恐不在他日即日可得願公無忽後希白方為翰林學士冀公已真拜 同上

急流勇退

錢若水為舉子時見陳希夷於華山希夷曰明日當再來若水如期往見有一老僧與希夷擁地爐坐僧熟視若水久之不語以火箸畫灰作做不得三字徐曰急流中勇退人也若水辭去希夷不復留後若水登科為樞密副使年才四十致政老僧者麻衣道者也 聞見錄

貴人識貴

魯諫議致堯性剛介少許可一日在李侍郎虛已坐上見晏元獻公晏李之壻也時方為奉禮郎諫議熟視之曰晏奉禮也日

貴甚但老夫耄矣不及見子為相也。呂許公東簡為相曰。文潞公為大學博士。謁許公。容禮接。因語之曰。太博此去十年當踐其位。夏英公謫守黃州時。龐穎公司理參軍。英公曰。龐司理它日富貴遠過於我。既而四公皆至。元宰古云。貴人多識貴人。信有之也。

作樵夫拜

种放字明逸。隱居終南山。豹林谷。聞希夷之風。往見之。希夷先生一日令洒掃庭除。曰。當有嘉客至。明逸作樵夫拜庭下。希夷挽之而上。曰。君豈樵者。二十年後當有顯官名聲聞天下。明逸曰。放以道義來官祿。非所問也。希夷笑曰。人之貴賤莫不有命。君骨相當爾。雖晦跡山林。恐竟不能安異日。自知之後。明逸在

真廟朝。以司諫赴召。帝携其手登龍圖閣。論天下事。及辭歸山。遷諫議大夫。東封改給事中。西祀改工部侍郎。希夷又謂明逸曰。君不娶。可得中壽。明逸從之。至六十歲卒。

早達晚迪

初寇萊公年十九擢進士第。有善相者曰。君相甚貴。但及第太早。恐不善終。若功成早退。庶免深禍。君骨類盧多遜。耳後果如其言。歸田錄

耳白於面

歐陽嘗曰。少時有僧相我耳白於面。名滿天下。唇不着齒。無事得謗。其言頗驗。耳白於面。則眾所共見。唇不着齒。余不敢問。公不知何也。仇池筆記着齒叢談作貼齒



道人現夢

李士寧道人蓬州人先得塗氏所藏軒轅山鏡洞見遠近蔡君謨學士以道自任聞先生之名望風惡之君謨一夕夢為虎所逼有一人救之虎既去與之坐曰公貴人也但頭骨不正乃以手為按之曰頭骨已正矣夢覺頭上痛翌日先生謁君謨謂曰夜夢頗驚惶否君謨愕然視其狀乃夢中逐虎正骨者遂異之後出守閩中先生經由謁君謨因告先生久患目疾不愈昨夜夢龍樹菩薩先生即於袖中出畫本視之一如夢中所見先生乃瞠目視君謨須臾兩目豁然明快參政張公方平兩制時先生出入門下極善相時論以為公且大拜先生以詩別公云異時復與公相見正是江南二月天其後久無爰立之說忽除知

江寧先生自茅山來謁即仲春也 李壁荆公詩注

眾中辨貴

江南一節度使召相者命其妻立群婢中令辨之相者云夫人頭上有黃氣群婢皆竊視之然後云某人是又拖工火兒雜立使辨之云面上有水波者是亦用此術 雜志

善聽聲

術士王生瞽而善聽聲丁晉公守金陵王生潛聽其馬蹄聲曰參政月中必召拜相果如其言後真宗晏駕公充山陵使王生來京師但聽馬蹄聲曰有西行之兆諸子責曰爾知相公充山陵使故有是說或密問之曰蹄西去而無回聲後果罷相分司西京繼貶崖州 該聞錄

視日不瞬

陳瑩中嘗入朝已立班上御朝差晚杲日照耀祭京注自久而不瞬瑩中私謂同省曰此公視日不瞬真大貴人也百家詩話

兼相其後

韓參政億李參政若谷王丞相隨未第時同於嵩山法王寺讀書有一男子自言善相曰王君宰相才也韓李二君皆當為執政王君官雖高子孫不及韓李二君之盛後韓參政之子絳績皆為宰相維為參政李參政之子淑領三院學士有文名兩家官學至今不衰王丞相之後微矣異哉聞見錄

熟睡乃相

蘇子美謫吳門有相僧子美謁之云侯寢方可觀子美下日熟

睡僧揭帳視之云來得也曷吳人語甚為烏子美扣之乃曰得一州縣官肯起否子美意復召用聞之不樂果復湖州長史而卒百家詩話

眼多白

李承之在仁宗朝官州縣因邸報包拯參政或曰朝廷自此多事矣承之正色曰包公無能為今知鄞縣王安石眼多白甚似王敦他日亂天下者此人也邵氏錄

古今文集

雜著

非相論

荀况

相古之人無有也學者不道也古者有姑布子卿今之世梁有

唐舉相人之形狀顏色而知其吉凶妖祥。世俗稱之。古之人無有也。學者不道也。故相形不如論心。論心不如擇術。形不勝心。心不勝術。術正而心順之。則形相雖惡而心術善。無害為君子也。形相雖善而心術惡。無害為小人也。君子之謂吉。小人之謂凶。故長短小大善惡形相非吉凶也。古之人無有也。學者不道也。蓋帝堯長帝舜短。文王長周公短。仲尼長子弓短。昔者衛靈公有臣曰公孫呂。身長七尺。面長三尺。額廣三寸。鼻目耳具。而名動天下。楚之孫叔敖期思之鄙人也。突禿長左。軒較之下。而以楚霸業。公子高微小短瘠。行將不勝其衣。然白公之亂也。令尹子西司馬子期皆死焉。葉公子高入據楚。誅白公。定楚國。如反手耳。仁義功名善於後世。故事不揣長不揆大。不權輕重。亦

將志乎耳。長短小大美惡形相。豈論也哉。且徐偃王之狀。目可瞻焉。仲尼之狀。面如蒙。俱周公之狀。身如斷菹。臯陶之狀。色如削瓜。閔天之狀。面無見膚。傅說之狀。身如植鱗。伊尹之狀。面無須麋。禹跳湯偏。堯舜參牟子從者。將論志意。比類文學耶。直將差長短辨美惡。而相欺傲耶。古者桀紂長巨。姣美天下之傑也。筋力越勁。百人之敵也。然身死國亡。為天下大僂。後世言惡。則必稽焉。是非容貌之患也。聞見之不眾。議論之卑耳。今世俗之亂。君鄉曲之僇。子莫不美麗姚冶。奇衣婦飾。血氣態度。擬於女子。婦人莫不願得以為夫。處女莫不願得以為士。棄其親家而欲奔之者。比肩並起。然而中君羞以為臣。中父羞以為子。中兄羞以為弟。中人羞以為友。俄則束乎有司。戮乎太市。莫不呼天

啼哭苦傷其久而後悔其始是非容貌之患也聞見之不衆議論之卑耳

相論

魏陳王植

世人固有身瘠而志立體小而名高者於聖則否是以堯眉八彩舜目重瞳禹耳參漏文王四乳然則世亦有四乳者此則駑馬一毛似驥耳又曰宋臣有公孫昌者長七尺面長三尺廣三寸名震天下若此之狀蓋遠代而求非一世之異也使形殊於外道合其中名震天下不亦宜乎語云無憂而戚憂必及之無慶而歡樂必還之此心有先動而神有先知則色有先見也故扁鵲見相公知其將亡申叔見巫臣知其竊妻而逃也荀子曰以爲天不知人事耶則周公有風雷之災宋景有三次之福以

爲知人事乎則楚昭有弗榮之應邾文無延期之報由是言之則天道之與相占可得而知不可得而無也

論相

杜牧

呂公善相入言女呂后當大貴宜以配季季後爲天子呂后復稱制天下王呂氏子弟悉封以大國隋文帝相工來和輩數人亦言當爲帝者後篡竊果得之誠相法之不謬矣呂氏自稱制通爲后凡二十餘年間隋氏自篡至滅凡三十六年間男女族屬殺滅殆盡當秦末呂氏大族也周末楊氏爲八柱國公侯相襲又矣且以一女子一男子偷竊位號不二十年間壯老嬰兒皆不得其死不知一女子爲呂氏之福耶爲禍耶一男子爲楊氏之禍耶爲福耶得一時之貴滅百世之族彼知相法者當

曰此必為呂氏楊氏之禍乃可為善相人矣今斷一指得四海  
凡人不欲為况以一女子一男子易一族哉余讀荀卿非相因  
感呂氏楊氏知卿為太儒矣

雜說 形貌

韓愈

談生為崔山君傳稱鶴言者豈不恠哉然吾觀於人其能盡其  
性而不類於禽獸異物者希矣將憤世嫉邪長往而不來者之  
所為乎昔之聖者其首有若牛者其形有若蛇者其喙有若鳥  
者有貌若蒙俱者彼皆貌似而心不同焉可謂之非人邪即有  
平脅曼膚顏如渥丹美而狠者貌則人矣其心則禽獸又惡可  
謂之人也然則觀貌之是非不若論其心與其行事之為不失  
也惟神之事孔子之徒不言予將特取其憤世嫉邪而作之故

題之云耳

相解

皮日休

今之相工言人相者必曰某相類龍某相類鳳某相類牛馬某  
至公侯某至卿相類禽獸則富貴也噫立形於天地分性於萬  
物其貴者不過人焉有真人形而貧賤類禽獸而富貴哉將今  
之人言其貌類禽獸則喜真人形則怒言其行類禽獸則怒真  
人心則喜夫以鳳為禽耶鳳則仁義之禽也以騶虞為獸耶騶  
虞則仁義之獸也今之人也仁義能符於是哉是其行又不若  
於禽獸也宜矣哉或曰相者有乎哉曰上善出於性太惡亦出  
於性中庸之人善惡在其化者也上善出於性若文王在母不  
憂重耳弱不好弄是也太惡亦出於性若商臣之蜂目豺聲必

事文類聚前集

卷之三十九

七

殺其父叔魚之虎目豕腹必以賄死是也中庸之人善惡在其  
化者若大舜設化而有苗格仲尼垂論而子路服是從善而化  
者也若齊桓公管仲輔之則霸豈貂輔之則亂是從惡而化者  
也故舜相於堯而天下平禹相於舜而天下彌咎舜相禹斯謂  
相見者也見人知其賢愚見國知其治亂亦相也或曰賢愚者  
見行事而知也敢問聖人之相人知其有位哉曰堯之於舜任  
之以天下知其有位也舜之於四凶投之於四裔知其無位也  
曰苟若是聖人之能相人也是必賢者得其位不肖者不立朝  
三苗九黎焉得以國飛廉惡來焉得以爵曰有是者其君不能  
相也將其國之是滅豈暇相人而用哉是則三苗九黎未聞不  
滅飛廉惡來未聞不誅嗚呼聖人之相入也不差忽微不失累

乘言其善必善言其惡必惡言其勝任必勝任今之人不以是  
術行其心區區求子卿唐舉之術居其窮處其困不思以道達  
不能以德進言其有位必齟然自負坐白屋有公侯之姿食藜  
藿有卿相之色蓋不能自相其心者也有士居窮處困望一  
金之助已有沒齒之難有妄誕之人自稱精子卿唐舉之術取  
其金則易於反掌耳有能以聖賢之道自相其心哉嗚呼舉世  
從之吾獨戾也其不勝明矣

贈相士序

胡銓

有術家者流挾其術過予夸曰古稱唐舉善相人吾術得唐舉  
作術官予戲之曰昔相士言楊氏當大貴已而果然不三十年  
揚之族屬盡殲柳宜城或言見相天且賤請易業可免卒不許

後竟爲正元名臣子謂楊氏果貴耶柳氏果賤耶生默然良久曰此亦易曉也予曰訂諸非相篇

送巖電道人入蜀序

陸務觀

王衍一生酣豢富貴乃以口不言錢自高巖電本張氏子施藥說相不受人一錢乃自稱姓錢以滑稽玩世古今相又有如此者忽來告放翁言將西入蜀乃書以遺之他日到青城大峩霧中鵠鳴諸山見孫思邈朱桃椎張四郎爾朱先生姚小太尉應天授尹先覺輩有問放翁安否者可出此卷相與一笑

古詩

贈李士寧道人歌

歐陽永叔

蜀狂士寧者不邪亦不正混世使人疑詭譎非一行平生不把

筆對酒時歌詠初如不着意語出多奇勁傾牙解人難去不道名姓金錢買酒醉高樓明月滿床猶不醒一身四海卽爲家獨行萬里聊乘興既不採藥賣城市又不點石化黃金進不干公卿退不隱山林與之游者但愛其人莫識其術安知其心吾聞有道之士逍遙太虛動與道俱故能入火不熱入水不濡常聞其語而未見其人豈斯人之徒歟不然則言不純師行不純表滑稽傲世其東方朔之流乎

贈善相程傑

蘇子瞻

心傳異學不謀身自要清時閱縉紳火色上騰雖有數急流勇退豈無人書中若覓元非訣醉裏微言却近真我似樂天君記取華顛賞遍洛陽春

# 談命者

羣書要語樂天知命故不憂係辭君子居易以俟命中庸得之自是不得自是以聽天命表記君子有三畏畏天命畏大人畏聖人之言小人不知天命而不畏也季氏不知命無以為君子堯曰子夏曰死生有命富貴在天顏淵孟子曰妖壽不貳修身以俟之所以立命也孟子曰莫非命也順受其正是故知命者不立乎巖墻之下盡其道者正命也桎梏死者非正命也盡心求之有道得之有命是求無益於得也求在外者也盡心曰民受天地之中以生所謂命也是以有動作威儀之則以定命也能者養以取福不能者敗以取禍成十三凡人有生死壽

天之命亦有貴賤貧富之命命當貧賤雖富貴之猶涉禍患失其富貴命當富貴雖貧賤之猶逢福善離其貧賤論衛士之窮通無非命劉孝標辨命論所謂命者死生焉貴賤焉貧富焉治亂焉禍福焉此十者天之所賦也劉蕡策

詩句自古聖賢多薄命杜文章憎命達杜詞人命薄多無位白集大夫賭命報天子當斬胡頭衣錦還李白

## 古今事實

### 孔子知命

孔子五十而知天命子罕言命子曰道之將行也與命也道之將廢也與命也公伯寮其如命何不容何病



孔子圍於陳蔡子貢曰夫子之道至大故天下莫能容夫子蓋少貶焉孔子曰良農能稼而不能為穡良工能巧而不能為順君子能脩其道綱而紀之統而理之而不能為容顏回曰夫子之道至大故天下莫能容雖然不容何病不容然後見君子孔子欣然曰有是哉顏氏之子使尔多財吾為爾宰

止或尼之

魯平公將見孟子嬖人臧倉者沮之孟子曰余之不遇魯侯天也臧氏之子焉能使余不遇哉

李廣不逢

漢李廣文帝時為郎騎常侍數從射獵格殺猛獸帝曰惜李廣不逢時今當高祖世萬戶侯豈足道哉

### 至老不遇

武帝自為太子時聞枚乘名及即位乘年老乃以安車蒲輪徵乘道死本傳

岸崩得脫

竇廣國家貧為人所掠賣為主入山作炭時寒卧岸下百餘人岸崩盡壓殺獨少君得脫卜曰當侯及竇后立果封侯外戚傳

窮達有命

沈攸之言早知窮達有命恨不十年讀書

福薄

文惠太子惡西昌侯鸞嘗曰我意中殊不喜此人當由其福薄也齊武紀

命多蹇剝

魏元忠有善相者謂曰公當位極人臣然命多蹇剝時有憂懼不足為虞但可當事便行聞言則應元忠累遭譴責臆相者之言未嘗少屈其志定命錄

李虛中術

李虛中昴深於五行以人之始生年月日所直日辰支干相生勝衰死旺相斟酌推入壽夭貴賤利不利輒先處其年時百不失退之作墓誌

命亦難信

熙寧元豐間有僧化成者以命術聞於京師蔡元長兄弟始赴省試同往訪焉時問命者盈門彌日方得前既語以年月率爾

語元長曰此武官大使臣命也他時衣食不闕而已餘不可望也語元度曰此命甚佳今歲便當登第十餘年間可為侍從又十年為執政然決不為真相晚年當以使相終既退元長大病其言元度曰觀其推步函葬如此何足信哉更俟旬日再往訪之則可驗矣旬日復往僧已不復記再以年月語之率爾而言悉如前說兄弟相顧大驚然是年遂同登科自是相繼貴顯於元長則大謬如此而元度終身無一語之差以此知世所謂命者類不可信其有合者皆偶中也却掃篇

命三處合

章郇公得象曰人生貴賤莫不有命但生年月日時臨胎有三處合者不為宰相亦為樞副張方平朱子京退而召術者泛以

朝士命推之唯得梁適歸田錄曰公弼命各有三處合皇祐間果為相  
熙寧中呂為樞密使皆如其言

召用失儀

陳執中罷相仁宗問誰可代者執中舉吳育上遂召赴闕會乾  
元節待宴偶醉坐睡忽驚顧拊床呼其從者上愕然即除西京  
留臺育之不相命矣夫然晚有心疾亦難大用志林

聖眷忽解

劉昌言太宗時為起居郎善禪闔以迎主意未幾以諫議知樞  
密院君臣之會隆替有限聖眷忽解曰昌言奏對皆操南音朕  
理會一字不得遂罷

終身不遇

梅聖俞以詩知名三十年終不得一館職晚年與脩唐書書成  
未奏而卒士大夫莫不歎息其初受勅脩唐書語其妻刁氏曰  
吾之脩書可謂糊孫入布袋刁氏曰君於仕官何異鮎魚上竹  
竿耶聞者以為善對歸田

古今文集

雜著

得失皆命

君子當守道崇德蓄價待時爵祿不登信由天命須求趨競不  
願羞慙比較材能對量功伐厲色揚聲東怨西怒或有劫持宰  
相環庇而獲酬謝或有道貶時人視聽求見發遣以此得官謂  
為才力何異盜食致飽竊衣取溫哉世見躁競得官者便為弗

事類彙編 卷之二十九  
索何獲不知時運之來不然亦至也見靜退未遇者便為弗為胡成不知風雲不興徒求無益也凡不求而自得求而不得者焉可勝算乎顏氏家訓

命解

李翱

或曰貴與富在我而已以智求則得也何命之為或曰不然求之有不得而不求有得之者皆命也人事何為予出或問曰二者之言其孰是也對曰是皆陷人於不善之言也以智而求之者盜耕人之田者也皆以為命者弗耕而望收者也吾無取焉爾循其方由其道雖祿之千乘之富舉而立諸卿大夫之上受而不辭非曰貪也私於己者寡而利於天下者多故不辭也何命之有焉如取之不循其道雖一飲之細也猶不可受况富

貴之大耶非庶也利於人者鮮而賊於道者多故弗為也何知之有焉然則君子之術其亦可知也

古詩

列子有力命王充論衡有命祿極言必定之致賢之

有感

晏叔原

太鈞播群物零茂歸自然默定既有初不為智力遷禦寇道其流仲任派其源智愚信自我通塞當由天宰世曰臯伊迷邦有顏原吾道誠一槩彼途鍾百端卷之入纖毫舒之盈八垓進退得其宜夸榮非所先朝聞可夕隕吾奉聖師言

律詩

送魏簡能東遊

李涉

獻賦論兵命未通却乘羸馬出關東灞陵原上重回首十載長  
安似夢中

哭從弟

白居易

傷心一尉便終身叔母年高新婦貧一片綠衫消不得腰金拖  
紫是何人

山寺逢僧談命

朱元晦

古寺相逢亦偶然謾將半斗話生緣時行時止非人力莫問流  
年只問天

送談命曾南翔

楊廷秀

官職牽入也可憐老來那更問行年渠儂解事無它語道我慈  
親壽八千

又

今年見說也無難政坐談天泄密機舉世近來憎直語貴人剩  
許未為疑

送談星辰許季升

楊廷秀

許子儒冠然誤身如今投筆說星辰未須道我何時貴且道何  
時子脫貧

又

連珠合璧轉璇霄也被星家不見饒災曜元來怯禱杭福星不  
是肯簞瓢

詩話

不遇宣崇

賈島不第乃爲僧改號無本居法乾寺與無可唱和一日宣宗  
微行至寺聞鐘樓上有吟聲遂登樓於島案上取詩卷覽之島  
不識乃攘臂睨之遂於手內取詩卷曰郎君何會此耶宣宗下  
樓而去既而島知之亟謝罪乃賜御札除遂州長江簿後遷普  
州司倉卒故程錡以詩悼之曰倚恃詩難繼昂藏貌不恭駢驢  
衝太尹奪卷忤宣宗馳譽超前輩居官下我儂司倉舊曹事一  
見一心恠宣宗嘗微行溫庭筠遇於逆旅溫不識傲然詰之曰  
公非司馬長史之流乎又曰得非文章簿尉之類乎帝曰非也  
謫爲方城尉其制詞曰孔門以德行為先文章爲末爾旣德行  
無取何所補焉徒負不羈之才罕有適時之用竟以流落而死

不遇宣宗

王維私邀孟浩然入內署俄而元宗至浩然匿床下維以實對  
帝曰朕聞其人而未見也詔浩然出帝問其詩浩然自誦所爲  
至不才明主棄之句帝曰卿自不求仕朕未嘗棄卿奈何誣我  
因放還本傳

心肯命通

唐莊宗時禁旅王慶乞叙功賞曰侍從濟河日臣係第十隊入  
汴臣屬前鋒乞遷補莊宗領之他日又言亦不納莊宗好樂樂  
工子弟至有得官者謂慶曰子何不學我吹管稍稍能之亦不  
獲用後事李嗣源亦言其勞莊宗曰知慶薄有功但每見慶則  
心憤然安得更有助與之意因舉唐太宗詩曰待余心肯日是  
汝命通時夫主天下生靈賞罰之柄而所言若此則進退誠有

命也翰府名談

命在磨蝎

退之三星行云我生之辰日宿南斗牛奮其角資張其口牛不見服箱斗不挹酒漿箕獨有神靈無時停斂揚東坡自謂生時與退之相似蓋命宮在斗牛磨蝎而身宮亦在焉故其贈術士謝正臣詩云生時宿直斗牛箕

題詩坐窮

薛令之閩之長溪人及第遷右庶子開元中東宮官寮清談令之題詩自悼曰朝日上團團照見先生盤盤中何所有首宿長闌干飯澁匙難縮羨稀筭易寬無所謀朝夕何由保歲寒元宗幸東宮覽之索筆題其傍曰啄木口嘴長鳳凰羽毛短若嫌於

桂寒任逐桑榆暖令之遂謝病歸

雷轟薦福碑

范文正守饒州有書生甚貧時盛行歐陽率更書薦福寺碑墨本直千錢為具紙墨打千本使售于京師紙墨已具一夕雷擊碎其碑時語曰有客打碑來薦福無人騎鶴上揚州東坡作窮措大詩曰一夕雷轟薦福碑韓魏公客有郭注者行年五十未有室家公以待兒與之未及門而注死冷齋夜話

新編古今事文類聚前集卷之三十九終

論古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦

臣等謹將古今華文賦



